

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Innuttaasut amerlanersaat illunik imminnut pilersorsinnaanissaat anguniarneqarpoq. Inuit illoqarfinni, nunaqarfinnilu minnerusuni najugaqartut namminneq illuuteqalersinnaanissaannut Illunut sanaqataaffiusunut Inatsisartut inatsisaat tapersiivoq.

Illunik sanaqataaffiusunik sanaartornissamut, pissarsinissamulluunniit kommunit taarsigassarsisitsinissaanni massakut malittarisassaasuni piumasaqaataavoq, aningaasartuutissat ilaannik taarsigassarsisoq nammineerluni aningaasalersuissasoq. Inoqutigiit isertitaqqortusiarturnerat ilutigalugu, taarsigassarsitinneqartup nammineq aningaasalersuinissaanut piumasaqaataasut annertusiarturnarput. Aningaaserivimmit imaluunniit pigisanik aalaakkaasunik qularnaveeqqusiilluni taarsigassarsisitsisarfinnit taarsigassarsinikkut, nammineq aningaasalersugassat aningaasalersorneqakkajuttarput. Taamaakkaluortoq oqaatigineqartariaqarpoq, illunik sanaqataaffiusunik sanaartornissami imaluunniit pissarsinissami aningaaserivimmit imaluunniit pigisanik aalaakkaasunik qularnaveeqqusiilluni taarsigassarsisitsisarfinnit taarsigassarsitinneqarsinnaanissaq ajornartorsiutinik nassataqartarmat.

Illunik sanaqataaffiusunik pisinissap, pissarsinissalluunniit aningaasalersorneqarnissaanut pigisanik aalaakkaasunik qularnaveeqqusiilluni taarsigassarsisitsisarfiit piumasaqaatigisaat assipalugalugit, kommunit taarsigassarsisitsinissaannut siunnersuut manna periarfissiivoq. Qinnuteqartup inoqutigiittut isertitai apeqqutaatinnagit, taarsigassarsiissutigineqartulli amerlassusilerneqarnissaanni isertitat apeqqutaatillugit kommunit taarsigassarsisitsinissaannut siunnersuut periarfissiivoq.

Illoqarfinni, nunaqarfinnilu minnerusuni najugaqartut tamarmik illunik sanaqataaffiusunik pisinissaminnut, pissarsinissaminnulluunniit taarsigassarsitinneqarnissaminnik qinnuteqarnissaminnut periarfissinneqarnissaat, siunnersuuteqarnikkut aalajangiisumik pingaartinneqarpoq. Inoqutigiit appassisumik, akunnattumillu isertitallit qaammammut naleqquttumik, nammaneqarsinnaasumillu akiliuteqartarlutik taarsigassarsitinneqarsinnaanissaat ilutigisaanik aalajangiisumik pingaartinneqarpoq.

## 2. Siunnersuummi immikkoortut pingaernerit

### 2.1 Inatsit atuuttoq

Malittarisassat atuuttut naapertorlugit, illumik sanaqataaffiusumik pisinermi aningaasartuutit 95%-ii tikillugit kommunalbestyrelsi taarsigassarsisitsinnaavoq. Taassumap saniatigut aningaasartuutissat taarsigassarsiffiusinnaasut aamma taassaasinnaapput pilersaarusiornermut, toqqaviliornermut, ilitsersuisumit ikiorserneqarnermut kiisalu innaallagissamut, imermut, kiassarnermullu aqquersuinermit aningaasartuutit.

Aningaasartuutini taarsigassarsiffiusinnaasuni sanaartorfigissaanermut aningaasartuutit imaluunniit innaallagissap erngullu aqquataannut, kuuffissuarnullu attavilernissamut pisortat piunasaqarnerisa kingunerisaanik aningaasartuutissat ilaatinneqanngillat. Aningaasartuutissat taakkua qinnuteqartup aningaasartuutigissavai.

Qinnuteqartup inoqtigiittut isertitai akileraarusigassat 300.000 koruunit sinneraangagit, 5.882 koruunikkaarlugit kommunalbestyrelsip annerpaamik taarsigassarsiissutigisinnaasai 1%-pointimik appartinneqartarput. Qinnuteqartup inoqtigiittut agguaqatigiisillugu isertitai akileraarusigassat 600.000 koruunit sinnersimappagit, kommunalbestyrelsi taarsigassarsisitsinnaanngilaq.

Inoqtigiit isertitaat	Pisortaniik taars. (%)	Pisortaniik taars. (kr)	Namm. akiliut (%)	Namm. akiliut (kr)
300.000 kr.	95,00%	1.900.000 kr.	5,00%	100.000 kr.
350.000 kr.	86,50%	1.729.990 kr.	13,50%	270.010 kr.
400.000 kr.	78,00%	1.559.980 kr.	22,00%	440.020 kr.
450.000 kr.	69,50%	1.389.969 kr.	30,50%	610.031 kr.
500.000 kr.	61,00%	1.219.959 kr.	39,00%	780.041 kr.
550.000 kr.	52,50%	1.049.949 kr.	47,50%	950.051 kr.
600.000 kr.	44,00%	879.939 kr.	56,00%	1.120.061 kr.

(aningaasartuutit taarsigassarsiffiusinnaasut missiliorneqartut kr. 2.000.000)

Illumik sanaqataaffiusumik il.il. pisinissami aningaasartuutissat tamarmiusut matussuserneqarnissaannut aningaasat kommunalbestyrelsimit taarsigassarsiaritinneqarsinnaanngitsut (siuliani tabeli takuuk) kiisalu sanaartorfigissaanissamut aningaasartuutissat aamma innaallagissap erngullu aqquataannut, kuuffissuarnullu attavilersinnissami aningaasartuutissanut pisortat piunasaqarnerisa kingunerisaanik aningaasartuutissat, taarsigassarsitinneqartumit aningaasalersorneqassapput. Aningaasanik sipaagaqarsimanikkut imaluunniit aningaaserivimmuut imaluunniit pigisanik aalaakkaasunik qularnaveequsiilluni taarsigassarsisitsisarfimmit taarsigassarsinikkut aningaasalersorneqarsinnaapput.

Aalajangersakkat atuuttut naapertorlugit, illumut sanaqataaffiusumut taarsigassarsitinneqarnissamik qinnuteqaatit tigungerini malillugit kommunalbestyrelsip suliarisarpai.

Aaqqissuusseqqinnermut isumalioqatigiissitap innersuussutaannut malitseqartitsilluni, ineqarnermut suliassa qarfirmi aningaasalersueriaatsit 2017-imi januaarip aallaqqaataani Namminersorlutik Oqartussanit kommuninut tunniunneqarput. Aningaasalersueriaatsinut tunngatillugu innuttaasut qaninnerullugit sullissisoqarnerunissaata qulakkeerneqarnissaa, tunniussinermi siunertarineqarpoq.

Tunniussinermut malitseqartitsinertut, aningaasalersueriaatsitigut suut naleqqussarneqartussatut pisariaqartinneqartut ersarissarneqarnissaat siunertaralugu nalilersuisoqarpoq. Tamatumani innuttaasut taakkunannga atugassaqarnissaat, atuinissaallu pitsaanerpaanissaa qulakkeerniarlugu. Unammillernarsinnaasut ersarissarniarneqarlutik, nassuiaatiginarneqarlutillu illuliortiternernut ullumikkut aningaasalersueriaatsit malillugit nalilersuinissami aallaaviuvoq.

Nunaqarfinnut Isorliunerusunullu Inissialiortiternermut Pilersaarutit ataanni aaqqiissutinut, matumani pingaartumik illunut sanaqataaffiusunut taarsigassarsisitsinissamik arlaqanngitsunik siumut neriorsuuteqartoqartarneratigut, aningasartuutikittoqartarneratigullu taakkua atorneqarpallaanngitsut paasineqarpoq. Aaqqiissutit taakkua innuttaasunit atoruminaatsinneqarlutik imaluunniit soqutigineqarpallaaratik unammillernartoqarsinnaaneriniq tamanna ersersitsivoq.

Innuttaasut amerlanerusut aaqqiissutinik ajornannginnerusumik atuisinnaalersillugit, aaqqiissutinillu suliatigut suliaqartarneq ajornannginnerulersillugu aaqqiissutit naleqqussarneqassasut nalilersuinermi innersuussutigineqarpoq, tamannalu siunnersuutitigut matumuunakkut naammassiniarneqarluni.

## *2.2 Siunnersuutip imarisaa*

Illumik sanaqataaffiusumik il.il. pisinissami taarsigassarsisup nammineerluni 25.000,00 koruuninik akiliuteqarnissaa ilanngaatilgalugu, aningaasartuutissat 100%-ii tikillugit kommunalbestyrelsit taarsigassarsisitsinnaasasut siunnersuutigineqarpoq. Taassumap saniatigut aningaasartuutissat taarsigassarsiffiusinnaasut aamma taassaasinnaapput pilersaarusiornermut, toqqaviliornermut, ilitsersuisumit ikiorserneqarnermut kiisalu innaallagissap erngullu aqquataannut, kuuffissuarnullu attavilersinnissami aningaasartuutit.

Illumik sanaqataaffiusumik il.il. pisinissami aningaasartuutissani taarsigassarsiffiusinnaasuni sanaartorfigissaanermut aningaasartuutissat aamma innaallagissap erngullu aqquataannut, kuuffissuarnullu attavilernissamut pisortat piunasaqarnerisa kingunerisaanik aningaasartuutissat ilaatinneqassasut nutaatut siunnersuutigineqarpoq.

Illumik sanaqataaffiusumik pisinissami aningaasartuutissanut tamanut, matumani sanaartorfigissaanermut aningaasartuutissat aamma innaallagissap erngullu aqquataannut, kuuffissuarnullu attavilernissamut pisortat piunasaqarnerisa kingunerisaanik

anigaasartuutissat ilanngullugit, kommunalbestyrelsi taarsigassarsisisinnaassasoq siunnersuutip kingunerissavaa. § 8-mut siunnersuut innersuussutigineqarpoq.

Taarsigassarsitinneqarnissaminik qinnuteqartoq 25.000,00 koruuninik nammineerluni akiliuteqassasoq siunnersuutigineqarpoq. Nammineq akiliutissat aalajangersimapput, qinnuteqartullu inoqutigiittut isertitaannut naleqqussarneqassanatik. Qinnuteqartoq inoqutigiittut qanoq isertitaqaraluarpulluunniit, kommunalbestyrelsip taarsigassarsiissutigisai appartinneqartassanngillat. § 9-mut siunnersuut, tassungalu nassuiaatit innersuussutigineqarput.

Pisortat taarsigassarsiissutigisaat ukiuni 20-ni amerlaqatigiinnik akilersugassanngorlugit taarsigassarsiissutigineqassasut siunnersuutigineqarpoq. Taarsigassarsiissutigineqartunut erniarititaq 3%-pointimik ilallugu taarsigassarsiissutigineqartut ernialersorneqassasut siunnersuutigineqarpoq. Taarsigassarsiissutit ukiunut taarsersorneqarfissaannut tamarmiusunut erniarititassaq, illup sanaqataaffiusup atulernissaanut akuersissutip ulluanit aalajangersarneqassaaq. § 9-mut siunnersuut, tassungalu nassuiaatit innersuussutigineqarput.

Ilanngaatissat ilanngaatiginagit ukiumut akiliutissat ilaannik taarsigassarsisoq akiliuteqartassasoq siunnersuutigineqarpoq. Akiligassat ukiumut ataatsimut siammarlugit qaammatit aallartinneri tamaasa akilerneqartassapput. Atuilernissamik akuersissutip tunniunneranit ukiumi tulliuuttumi siullermeertumik februaarip aallaqqaataani. § 10-mut siunnersuut, tassungalu nassuiaatit innersuussutigineqarput.

Taarsigassarsitinneqartup inoqutigiittut isertitai 300.000 koruunit sinnersimatillugit, taarsigassarsitinneqartup inoqutigiittut isertitaasa 35%-iisa nalinganik taarsigassarsisup akiligassai naatsorsorneqassapput. Taarsigassarsisup ilanngaatissat ilanngaatiginagit akiligassai, taarsigassarsisup inoqutigiittut piffissami pineqartumi isertitai tunngavigalugit ukiut tamaasa januaarip aallaqqaataani naatsorsorneqartassasut siunnersuutigineqarpoq. Ilanngaatissat ilanngaatiginagit akiligassatut naatsorsorneqartut, qaammatini tulliuuttuni aqqaneq-marluusuni akilerneqartassapput. Ilanngaatissat ilanngaatiginagit ukiumut akilerneqartartussaq taarsigassarsitinneqartumit akilerneqanngitsoq nalikillilerneqartassasoq siunnersuutigineqarpoq. § 10-mut siunnersuut, tassungalu nassuiaatit innersuussutigineqarput.

Kommunalbestyrelsip taarsigassarsiissutigisaannut taarsigassarsisup akiliutissaattut aalajangersarneqartumi, inoqutigiit piffissami pineqartumi 300.000 koruunit tikillugit isertitallit akiliuteqartinneqartannginnissaasa qulakkeerneqarnissaa pingaartinneqarpoq. Taarsigassarsisunut inoqutigiittut piffissami pineqartumi 300.000 – 575.000 koruunit akornanni isertitaqartunut, malittarisassat massakut atuuttut naapertorlugit taarsigassarsitinneqartup nammineerluni anigaasalersugassaanut nallersuussilluni taassumap qaammammut akiliutigisartagassaasa annikillisinneqarnissaasa qulakkeerneqarnissaa pingaartinneqarpoq.

Inoqutigiittut piffissami pineqartumi 575.000 – 605.864,00 koruunit akornanni isertitaqartunut nalilernerqarpoq, malittarisassat massakkut atuuttut naapertorlugit taarsigassarsitinneqartup nammineerluni aningaasalersuinermini qaammammut akiliutigisartai assipalugit qaammammut akiliuteqartassasoq.

Taarsigassarsiniartut inoqutigiittut 605.864,00 koruunit sinnerlugit isertitaqartut, malittarisassat atuuttut naapertorlugit illunut sanaqataaffiusunut taarsigassartinneqarsinnaanngillat. Taakkuali siunnersuutitigut ilanngunneqarnermikkut illunut sanaqataaffiusunut taarsigassarsitinneqarsinnaalerner mikkut, pisortanit taarsigassarsitinnertaqanngitsumik niuerfimmi piumasaqaataasut naapertorlugit aningaasalersuiner mut nallersuullugu, qaammammut akiliutigisartagassa at annikinniararsuulissapput.

Kommunalbestyrelsip taarsigassarsiissutaannut erniatigut, akilersuutitigullu akilersuutit aningaasanut aalajangersimasunut atugassiaasunut (aningaasaliissutinut) ikineqartassapput. Illut sanaqataaffiusut aningaasalersorneqarnissaat pillugu Inatsisartut inatsisaat manna imaluunniit siusinnerusukku t inatsit naapertorlugu illut sanaqataaffiusut taarsigassarsiffigineqarsimallutik taarsersugassartai suli taarsersorneqartut pilersaarutaasumik aserfallatsaaliornissaannut, nutarternissaannullu kommunalbestyrelsip taarsigassarsiissutissaasa, tapiissutissaasalu tamakkiisumik ilaannakortumilluunniit aningaasalersorneqarnissaannut aningaasat aalajangersimasumik atugassiaassapput. § 10b-mit 10d-mut siunnersuut, tassungalu nassuiaatit innersuussutigineqarput.

Illumik sanaqataaffiusumik nutaamik pisinissamut taarsigassarsitinneqarnissamik, ukiut tamaasa januaarimi kommunalbestyrelsi qinnuteqaqqusisassasoq siunnersuutigineqarpoq. Qinnuteqarnissamut piffissarititap naanerani kommunalbestyrelsi qinnuteqaatinik pingaarnersiuisassaaq. Illutaarnissaminnik pisariaqartitsinerpaallutik, inissaminnillu periarfissatut tunineqarnissaminnut periarfissaqaratik qinnuteqartut kommunalbestyrelsip pingaarnersiussavai. § 27 a-tut siunnersuut, tassungalu nassuiaatit innersuussutigineqarput.

### **3. Pisortanut aningaasaqarnikkut allaffissornikkullu kingunerisinnaasai**

Pigisanik aalaakkaasunik qularnaveeqqusiilluni taarsigassarsisitsisarfinni taarsigassarsiner mi piumasaqaataasut assipaluinik, kommunalbestyrelsi taarsigassarsisitsisinnaassasoq siunnersuutigineqarpoq. 25.000 koruunit nammineerluni akiliutissat ilanngaatilugit, taarsigassarsiffiusinnaallutik aningaasartuutissat 100 %-ii tikillugit taarsigassarsisitsisoqarsinnaassasoq siunnersuutigineqarpoq. Taarsigassarsiniartup, taassumalu inoqutigiittut piffissami pineqartumi isertitai apequtaatinnagit, kikkut tamarmik qinnuteqarsinnaassasut siunnersuutigineqarpoq. Taamaakkaluartoq illutaarnissaminnik pisariaqartitsinerpaallutik, inissaminnillu periarfissatut tunineqarnissaminnut periarfissaqaratik qinnuteqartunik kommunalbestyrelsi pingaarnersiuisassaq ilutigisaanik siunnersuutigineqarpoq.

Tamanna tunualiaqutaralugu nalilerneqarpoq, illunut sanaqataaffiusunut taarsigassarsiissutit qularnanngitsumik pingaartumik 500.000 koruunit ataallugit isertitaqarlutik akunnattumik isertitalinnut taarsigassarsiissutigineqartassasut. Tapiissuteqarfiusinnaatitaallutik aningaasartuutissanut kommunalbestyrelsi 100 %-imik taarsigassarsisitsisassappat, illunik sanaqataaffiusunik pissarsinissamut pisortat taarsigassarsiissutissatut aningaasat manna tikillugu immikkoortitai qularnanngitsumik sukkanerusumik atorneqassasut nalilerneqarpoq. Illut sanaqataaffiusut nutaatut sanaartorneqartut amerlassusaat attatiinnarumallugu, kommunalbestyrelsi aningaasanik amerlanerusumik immikkoortitsisariaqalersinnaassaaq.

Illumik sanaqataaffiusumik pissarsinissamut taarsigassarsiarititassat naatsorsorneqarnissaannut, taakkunungalugu taarsigassarsisup qaammammut akiliutigisartagassaasa naatsorneqarnissaannut atugassamik taarsigassarsisitsinissami naatsorsueriaasissamik suliaqartoqartariaqassaaq. Taarsigassarsisitsinissami naatsorsueriaasissaq kommunit massakut qarasaasiatigut sakkuinut ilanngunneqarsinnaassasoq naatsorsuutigineqarpoq. Illunut sanaqataaffiusunut taarsigassarsiaritit allaffissornikkut suliarineqarnerinut atatillugu, taarsigassarsisup erniatigut aningaasartuutai kommunit ukiumut ataasiarlutik naatsorsortassavaat. Inatsit atuuttoq naapertorlugu kommunalbestyrelsip taakkua Akileraartarnermut Aqutsisoqarfimmuut nalunaarutigisassavai.

Taarsigassarsiat akuttoqatigiimmik akilersornissaannut naatsorsuinissaq, taakkunungalugu taarsigassarsisup akiligassaasa naatsorsorneri, Illuliortiternut aningaasalersuineq pillugu Inatsisartut inatsisaat naapertorlugu inissianik nutaanik sanaartornermut taarsigassarsiaritit akuttoqatigiimmik akilersornissaannut naatsorsuinermit allaanerungaangillat. Taamaakkaluartoq taarsigassarsitinnegartup qaammammut akiliutissaasa naatsorsorneqarnissaannut modulimik ineriartortitsisoqartariaqassaaq. Modulimik ineriartortitsinissamut Aningaasanut Inatsisitigut aningaasanik immikkoortitsisoqassasoq naatsorsuutigineqarpoq.

Erniaqanngitsumik akiliutitaqanngitsumillu taarsigassarsisitsinernut ukiuni 20-ni assigiimmik nalikilliliisarluni malittarisassat atuuttut assigalugit, illunut sanaqataaffiusunut taarsigassarsiarititassat taarsigassarsiissutigineqassapput. Taarsigassarsiissutit utertinneqarsinnaanissaat siunnersuutitigut periarfissangussaaq. Taarsigassarsiissutinut akiliutit aningaasanut agguagassanut katersorneqassapput, taakkualu illunik sanaqataaffiusunik taarsigassarsiffigineqarsimallutik taarsersugassartai suli taarsersorneqartut pilersaarutaasumik aserfallatsaaliornissaannut, nutarternissaannullu taarsigassarsisitsinissamut, tapiissuteqarnissamullu atorneqassallutik.

Illunut sanaqataaffiusunut kommuni aningaasat taarsigassarsiissutissai ilaatigut Kalaallit Nunaanni Namminersorlutik Oqartussanit ataatsimoortumik tapiissutinut, kommunillu ataasiakkaat tapertaliussatut aningaasaliissutigisinnaasaannit pippup. Illunut sanaqataaffiusunut aningaasat taarsigassarsiissutissat ukiut tamaasa

aningaasaliissutigineqartassapput, ukiullu tamaasa naatsorsuutini aningaasartuutitut allanneqartassallutik. Taarsigassarsisitsineq allannqortinneqanngitsumik kommunit oqimaaqatigiissitsinerini pigisatut nalilittut sulii allassimassaaq.

#### **4. Inuussutissarsiortunut aningaasaqarnikkut allaffissornikkullu kingunerisinnaasai**

Siunnersuut inuussutissarsiortunut aningaasaqarnikkut allaffissornikkullu kinguneqassanngitsoq nalilerneqarpoq. Illunut sanaqataaffiusunut kommunit aningaasaliissutaat, qinnuteqartullu amerlassusaat apeqqutaatillugit najukkani atorfiit ilaneqarsinnaapput.

#### **5. Avatangiisinut, pinngortitamut inuillu peqqissusaannut kingunerisinnaasai**

Siunnersuut avatangiisinut, pinngortitamut inuillu peqqissusaannut kinguneqassanngitsoq nalilerneqarpoq.

Taarsigassarsisup, taassumalu inoqutaasa ineqarnikkut atugaat pitsanngoriarsinnaapput, taassumalu malitsigisaanik taarsigassarsisup, taassumalu inoqutaasa peqqissusaanut sunniuteqarsinnaalluni.

#### **6. Innuttaasunut kingunerisinnaasai**

Illumik sanaqataaffiusumik sanaartornissamat imaluunniit tigusinissamat taarsigassarsiniaq aningaaserivimmit aamma/imaluunniit pigisanik aalaakkaasunik qularnaveeqqusiilluni taarsigassarsisitsisarfinnit taarsigassarsitinneqarsinnaanersoq apeqqutaajunnaassammat, illunut sanaqataaffiusunut taarsigassarsinnaanermut siunnersuut ajornannginnerulersitsissasoq naatsorsuutigineqarpoq.

Illumut sanaqataaffiusumut taarsigassarsisoq qaqugukkut piginnittunngornissaanut malittarisassat allannqortinneqassanngillaq. § 15-imi imm. 3 naapertorlugu illup sanaqataaffiusup sanaartorneqarnerani atortussanut, illumullu sanaqataaffiusumut piginnittussaataaneq kommunalbestyrelsi attatiinnassavaa. Qularnaveeqqusiussaqaarluni taarsigassarsinermi allagartaq taarsigassarsisup kommunalbestyrelsimut tunniuppagu, Kalaallit Nunaannilu Eqqartuussivimmi naqqiutitaqanngitsumik nalunaarsorneqarpat piginnittussaataaneq taarsigassarsisumut tunniunneqassaaq. Atuilernissamik akuersissutip tunniunneqarnera malitsigiinnangajallugu, qularnaveeqqusiussaqaarluni taarsigassarsinermi allagartaq nalunaarsorneqarlunilu piginnittussaataaneq tunniunneqakkajuttarpoq.

#### **7. Kingunerisinnaasai pingaaruteqartut allat**

Siunnersuut allatigut pingaarutilimmik allannquteqassanngitsoq nalilerneqarpoq.

#### **8. Oqartussanut peqatigiiffinnullu il.il. tusarniaaneq**

Siunnersuut 2023-mi oktobarip 31-ani kingusinnerpaamik akissuteqarfissalerlugu, 2023-mi oktobarip. 10-ani [www.naalakkersuisut.gl](http://www.naalakkersuisut.gl) -imi tusarniaavimmi tamanut saqqummiunneqarpoq.

Piffissami 2023-mi oktobarip 10-anit, oktobarip 31-ata tungaanut siunnersuut tusarniaaffigineqartunut ukununga tusarniutigineqarpoq:

Nassitsivigineqartut:

Naalakkersuisut Siulittaasuata Naalakkersuisoqarfia (govsec@nanoq.gl)  
Aningaasaqarnermut Naligiissitaanermullu Naalakkersuisoqarfik (oed@nanoq.gl)  
Nunanut Allanut, Inuusutissarsiornermut Niuernermullu Naalakkersuisoqarfik (nap@nanoq.gl)  
Aalisarnermut Piniarnermullu Naalakkersuisoqarfik (apn@nanoq.gl)  
Isumaginninnermut, Suliffeqarnermut Nunamullu Namminermut Naalakkersuisoqarfik (isn@nanoq.gi)  
Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik (ikin@nanoq.gl)  
Aatsitassanut Inatsisillu Atuutsinneqarnerannut Naalakkersuisoqarfik (asn@nanoq.gl)  
Nunalerinnermut, Imminut Pilersornermut, Nukissiutitut Avatangiisinullu Naalakkersuisoqarfik (pan@nanoq.gl)  
Meeqqanut, Inuusuttunut Ilaqutariinnullu Naalakkersuisoqarfik (iian@nanoq.gl)  
Peqqissutsimut Naalakkersuisoqarfik (pn@nanoq.gl)  
Kommune Kujalleq (kommune@kujalleq.gl)  
Kommuneqarfik Sermersooq (kommuneqarfik@sermersooq.gl)  
Qeqqata Kommunia (qeqqata@qeqqata.gl)  
Kommune Qeqertalik (qeqertalik@qeqertalik.gl)  
Avannaata Kommunia ( avannaata@avannaata.gl)  
Kalaallit Nunaanni naalagaaffiup sinniisua (ro@gl.stm.dk)  
Ineqarneq pillugu Maalaaruteqartarfik – Atuisartoqarnermut Unammilleqatigiinnermullu Aqutsisoqarfik (aua@nanoq.gl)  
Nukissiorfiit (kundeservice@nukissiorfiit.gl)  
Nusuka (nusuka2004@gmail.com)  
Sulisitsisut (ga@ga.gl)  
Kalaallit Nunaanni Politiit (grl-politi@politi.dk og grl-lesek@politi.dk)  
SIK (sik@sik.gl)  
PK-mi siulittaasoq (formanden@pk.gl)  
Mittarfeqarfiit (mit@mit.gl)  
Asiaq (asiaq@asiaq.gl)  
AK ( aknuuk@ak.gl)  
IMAK (imak@imak.gl)  
NPK (info@npk.gl)  
ASG ( asg@asg.gl)  
KANUNUPE (kanunupe@gmail.com)



## Siunnersuummi aalajangersakkanut ataasiakkaanut nassuiaatit

### § 1-imut

#### *Nr. 1-imut*

Aalajangersagaq nutaajuvoq.

Illu sanaqataaffiusoq nunalerisinnaanermut akuersissummik pigisaqartumit imaluunniit ingerlatsinermik isumaginnittumit najugaqarfittut najorneqartussaattillugu, sumiiffinni nunalerinermut atugassiaasuni illunut sanaqataaffiusunut aamma taarsigassarsisitsisoqarsinnaassasoq siunnersuutigineqarpoq.

Nunataq/sumiiffimik nunalerinermut siunertanut immikkoortinneqarsimanersoq kommunimi pilersaarummi atuuttumi allassimasarpoq. Kina nunalerinermik ingerlatsinissaminut akuersissummik pigisaqarnersoq, nunalerineq pillugu Inatsisartut inatsisaanni atuuttumi (Inatsisartut inatsisaat nr. 5, 2. maj 1996-imeersumi kingusinnerusukkut allanngortinneqartumi) allassimavoq. Nunalerinermik ingerlatsisinnaanermut akuersissut ingerlatseqatigiiffimmut tunniunneqarsimappat, ingerlatseqatigiiffimmi kina ingerlatsinermik ingerlatsisinnaanersoq nunalerinermut inatsimmi atuuttummi allassimavoq.

#### *Nr. 2-mut*

Kommunalbestyrelsi taamaallaat illunik sanaqataaffiusunik qanoq ittuunerinik akuerisanik sanaartornissamut, pissarsinissamulluunniit taarsigassarsisitsisinnaavoq. Illunik Naalakkersuisunit qanoq ittuunerinik akuerisaasimanngitsunik sanaartornissamut, pissarsinissamulluunniit kommunalbestyrelsi taarsigassarsisitsisinnaanngilaq, tak. § 35.

Sanaartoqataasumit ikiortinnissaq pillugu qanoq ittuuneranik akuerisaasumi piunasaqaataasoq malillugu taarsigassarsisoq sanaartoqataasumit ikiortinnissaminut pisussaaffeqartoq erseqqissaatigineqarpoq. Illumik sanaqataaffiusumik taarsigassarsisup pissarsinermini imaluunniit tigusinermini illup sanaartorneqarnerani, naammassineqarnissanullu ikiorserneqartariaqarnermik taarsigassarsisup atuinissaanut tamanna qulakkeerinneqataassaaq.

#### *Nr. 3-mut*

§ 8 atuuttoq aalajangersakkap ingerlatiinnarpaa, taarsigassarsiffiusinnaallutillu aningaasartuutit imm. 3-mi annertusineqarlutik. Aalajangersakkat oqaasertalerneqarnerata allanngortinneqarnissaa siunnersuutip kingunerisaanik, siornatigut § 10-mut atuuttumut innersuussineq naleqqutinngilaq, tak. § 1, nr. 5.

§ 8, imm. 1-imut

Kommunalbestyrelsi pilersuisunit neqeroortitsissaaq, taamaalilluni ilisimatisissutigineqarsinnaangorlugu pilersuisumik akit aalajangersimasut isumaqatigiissutigineqarsimasut, ukioq kaajallallugu imermut kuuffissuarnullu ikkussuisoqarnissaata ilanngunneqannginnissaa periarfissaalluni. Aningaasartuutitut taarsigassarsiffiusinnaasunut ilaapput illuliassat katitigassat tamarmiusut pisiarineqarneri tunniunneqarnerilu, assartuinnermut, passussinnermut sillimmasiinnermullu aningaasartuutit ilanngullugit.

Illuliassamut katitigassamut aamma ilaavoq nalinginnaasumik kiassarnermik pilersuineq kissarsuut uuliartortoq. Sanariikkanik katitigassanik qanoq ittuunerinik akuersinnermut atatillugu aamma nukissiuutit allat imaluunniit ilassutaasut assersuutigalugu seqerngup qinngorneranik tigooraassutit, kiassarnermilu pumpit aamma akuerineqarsinnaapput.

Illup sanaqataaffiusup sanariikkanik katitigassanik qanoq ittuunerinik akuersineq pillugu siunnersuummi § 35 innersuussutigineqarpoq.

§ 8, imm. 2-mut

Illumik sanaqataaffiusumik naammassillugu sanaartorneqarsimannngitsumik pioreersumik tigusinermi akimik kommunalbestyrelsi aalajangersaasuvoq. Tamanna nalinginnaasumik killiffimmik naatsorsuinermik, illup sanaqataaffiusup naammassillugu sanaartornissaanut atortut ilassutissat suut pisariaqartuunerinik tunngaveqarpoq.

Atortut atorneqarsimannngitsut, sanaartorfiusumi uninngaannartut, atortut sanaartornermi ilaanissaannut tulluurtuunerinik isumannaarisoqarsinnaappat sanaartornermi taamaallaat ilaatinneqarsinnaapput, tassungalu ilanngullugu atortut aanermik imaluunniit oqummik saassunneqarsimanngippata.

Aningaasartuutitut taarsigassarsiffiusinnaasunut ilaapput illumik sanaqataaffiusumik naammassillugu sanaartorneqarsimannngitsumik pioreersumik tigusineq kiisalu atortunik ilassutaasunik pisinnermut, pilersuinnermut, assartuinnermut, passussinnermut sillimmasiinnermullu aningaasartuutit, taamaalilluni illu sanaqataaffiusoq naammassillugu sanaartorneqarsinnaaqqulugu, atuilernissamillu akuersineq nalunaarutigineqarsinnaaqqullugu.

Aningaasartuutit taarsigassarsiffiusinnaasut tamarmiusut illumik sanaqataaffiusumik taamaaqataanik sanaartorneqartumut aningaasartuutitut taarsigassarsiffiusinnaasunut naapertuutsillugit, nalinginnaasumik illumik sanaqataaffiusumik naammassillugu sanaartorneqarsimannngitsumik pioreersumik tigusinermi aki aalajangersarneqartariaqarpoq.

§ 8, imm. 3-mut

Illumik sanaqataaffiusumik sanaartornermi ilitsersuisumit ikiorneqarnissaq kiisalu sanasunit ilinniarsimasunit ikiorneqarnissaq piumasaqaataavoq. Illumik sanaqataaffiusumik sanaartornissamut taarsigassarsitinneqarnissamik qinnuteqaatip suliarinissaanut atugassanik toqqaviup pilersaarusiornissaanut sanaartornissaanullu, illumut suliarineqanngitsumut, innaallagissamik aamma vvs-imik ikkussuinissamut aamma innaallagissamut, imermut, kiassarnermullu ikkussuinissamut kiisalu ilitsersuisumit ikiorserneqarnissamut neqeroorummik piniartoqassaaq. Taassumap saniatigut sanaartorfigissaanissamut aningaasartuutissat pillugit kiisalu innaallagissap erngullu aqqaannut, kuuffissuarnullu attavilernissamut pisortat piumasaqaatigisaannut aningaasartuutissat pillugit paasissutissanik pissarsisoqassaaq. Aningaasartuutitut taarsigassarsiffiusinnaasunut taakkununga aningaasartuutit ilaapput.

Sanaartorfigissaanissamut aningaasartuutissat pillugit paasissutissat (kommunimit)  
Toqqavissap pilersaarusiornissaanut sanaartornissaanullu neqeroorut (sanasumit, imaluunniit sanasutut suliffeqarfimmit)

Illup suliarineqanngitsup napparnissaanut neqeroorut (sanasumit, imaluunniit sanasutut suliffeqarfimmit)

Illumi vvs-imik ikkussuinissamut neqeroorut (saffiuumit/ qillertoqerisumit imaluunniit vvs-ilerisumit).

Innaallagissap kiisalu innaallagissamut atassutip ikkussuunnissaanut neqeroorut (innallagialerisumit akuerisaasumiit).

Innaallagissap erngullu aqqaannut, kuuffissuarnullu attavilernissamut neqeroorut  
Innaallagissamut, imermut, kiassarnermullu attavilernissamut akiliutissat pillugit paasissutissat (kommunimit Nukissiorfimiillu)

Neqeroorutip imassaanut illumik sanaqataasup suliassat nammineerluni isumagisinnaasaasa suuneri apeqqutaapput. Tunngaviusumik sanaartornermi sulianik tamanik sanaqataasooq suliaqarsinnaavoq, tassani illumik sanaqataasooq akuerisatut nammineerluni akuerisaasimangippat, suliassat akuerisaasumit suliarineqarnissamik pisariaqartitsiviusut eqqaassanngikkaanni. Assersuutigalugu innaallagissamut imaluunniit VVS-imut tunngasuusinnaapput. Sanasunit ilinniarsimasunit suut suliarineqarnissaat naatsorsuutigineqarnersoq erseqqilluinnartumik allassimallunni, sanaqataasusaaq suleqatigalugu kommunalbestyrelsip neqeroorummik pissarsiniarnissaa pingaaruteqarpoq. Suliassat suut neqeroorfigineqarnermut, suullu pillugit isumaqatigiissuteqartoqarnersoq paasinarsitilluarlugu neqeroorut erseqqissumik allassimassaaq.

Illumi sanaqataaffiusumi sanariikkanik katitigassanik qanoq ittuuneranik akuerisaasumi atortunik nalinginnaasumik pilersuinerup avataaniittut, aningaasartuutitut taarsigassarsiffiusinnaasunut ilaangillat.

§ 8, imm. 4-mut

Paasissutissanik tapertaasussanik piniartarneq pillugu maleruagassanik Naalakkersuisut aalajangersaanissaannut aalajangersagaq tunngavissiiuvoq. Illunut sanaqataaffiusunut Inatsisartut inatsisaat kommunalbestyrelsinit isumagineqarput. Piffissamut killiliussat, kommunalbestyrelsit illunut sanaqataaffiusunut il.il. tapersiivigineqarnissamik qinnuteqaateqartunut ikiuunnissat pillugit maleruagassanik ilassutaasussanik pisariaqartitsisoqarnerisigut, suliaasaqarfimmi aqutsinermi misilittakkat qulaajarneqarnerisigut paasinarsisinnaavoq.

*Nr. 4-mut*

Aalajangersagaq nutaajuvoq.

§ 9, imm. 1-imut

Illumik sanaqataaffiusumik pisinissamut imaluunniit tigusinissamut amerlaqatigiinnik akilersugassanngorlugit kommunalbestyrelsi taarsigassarsisitsisinnassasoq siunnersuutigineqarpoq.

Amerlaqatigiinnik akilersugassanngorlugit taarsigassarsisitsinermi, taarsigassarsiissutit ukiut taarsersorneqarfissaat tamakkerlugu akilersuutit assigiimmik akilersorneqartarput. Imaappoq, taarsigassarsiissutit ukiut akilersorneqarfissaasa naammassinissaannut sanilliullugu, aallartinnerini taarsigassarsianut akilersuutit ikinnerusartut. Aallaqqaammut taarsigassarsiissutit suli akilersorlugit aallartinneqarsimannginnerini, imaluunniit annikitsuinnarmik akilersorlugit aallartinneqarsimanerini akiliutit annersaat ernianut akilersuutaassapput. Taarsigassarsiissutit akilersorneqarnerat ilutigalugu ernianut akiliutigineqartartut ikiliartulissapput, ikiliortornerisigullu akiliutigineqartartut amerlineqarsinnaassallutik. Taamaalilluni amerlaqatigiinnik akilersuinerneq taarsigassarsiissutit ukiut akilersorneqarfissaasa aallartinnerini arriitsumik akilersorneqartarput, ukiullu akilersorneqarfissaasa naammassiartornerini sukkanerungaatsiartumik akilersorneqartarlutik.

Taarsigassarsiat ukiut 20-t ingerlanerini taarsersorneqassasut siunnersuutigineqarpoq. Taarsigassarsiissutit ukiuni taarsersorneqarfissaat tamakkerlugu, erniaritittagaq + 3%-pointimik ilallugu ernialersorneqalutik aalajangersimasumik erniaqartinneqassasut siunnersuutigineqarpoq. Erniaritittagaq 2023-mi juulip 25-ani 3,1 %-iuvoq. § 9-mi imm. 1-imut siunnersuut malillugu taarsigassarsianut erniarititassaq taassumap kingorna 6,1 %-imut naatsorsorneqarsinnaassaaq. Illup sanaqataaffiusup atulernissaannut akuersissutip ulluanit erniaq aalajangersarneqassaaq.

§ 9, imm. 2-mut

Taarsigassarsiissutit qaammammut akiliuteqartarnikkut akilersorneqassasut siunnersuutigineqarpoq. Atuilernissamik akuersissutip ukiup tunniunneqarfianit aappaaguani

februaarip aallaqqaataani siullermeertumik akiliutissaq akilerneqassaaq. Akiliut siulleq januaarip aallaqqaataanit 31-ata tungaanut tunngassuteqassaaq. Taamaalilluni taarsigassarsiissutitut allaffissornermi, taakkunungaluk akilersuinermi ukiup ilivitsup malinneqarnissaa tassuunatigut pingaartinneqarpoq. Taarsigassarsisup qaammammut tamarmiusumik akiliutigisartagassaasa naatsorsorneqarnissaat pillugu siunnersuummi § 1-imi nr. 5 innersuussutigineqarpoq.

*Nr. 5-imit*

Aalajangersagaq nutaajuvoq.

§ 10, imm. 1-imit

Taarsigassarsisup qaammammut tulluutit aqqaneq-marluusuni qaammammut akiliutigisartagassai, ukiut tamaasa januaarip aallaqqaataani naatsorsorneqartassat siunnersuutigineqarpoq. Taarsigassarsisup, taassumalu inoqutaasa piffissami pineqartumi isertitaat ukiumi naatsorsuiffiusumi januaarip aallaqqaataani naatsorsorneqartut tunngavigalugit naatsorsuisoqassaaq. Tamanna tunngavigalugu taarsigassarsisup qaammammut tulluutit aqqaneq-marluusuni akiliutigisartagassai, siullermeertumik februaarip aallaqqaataani naatsorsorneqassapput.

Taarsigassarsisup, taassumalu inoqutaasa isertitaasa naatsorsorneqarnissaanni, procenti aaqsiissutissaq aamma maannakkorpiaq aningaasarsiat pillugit Inatsisartut inatsisaannut Namminersorlutik Oqartussat nalunaarutaat tunngavigalugu pissaaq, tak. Namminersorlutik Oqartussat inatsimmut nalunaarutaat nr. 6, 14. maj 2020-meersoq, tassungalu allaffissorlukkut najoqqutassiat atasut.

Taarsigassarsisup, taassumalu inoqutaasa piffissami pineqartumi isertitaasa tamarmiusut allanngornerat ilutigalugu qaammammut akiliutigisartakkat ikilinissaat imaluunniit amerlinissaat taassumap qulakkiissavaa. Taamaalilluni taarsigassarsisup akiliutigisartagai taarsigassarsisup, taassumalu inoqutaasa isertitaannut naapertuutissapput, taamaalilluni akiliisinnaassuseqassalluni.

Taarsigassarsisup atuillernissamut akuersissummik 2024-mi juunip 15-iani tunineqaruni, inoqutigiit isertitaat tamarmiusut 2025-mi januaarip aallaqqaataani siullermeertumik naatsorsorneqassapput. Taarsigassarsisup 2025-mi februaarip aallaqqaataanit, 2026-imi januaarip aallaqqaataata tungaanut qaammammut akiliutigisartagassaasa naatsorsorneqarnissaannut, naatsorsuineq taanna tunngavissiissaaq. Taassumap kingorna inoqutigiit isertitaat tamarmiusut 2026-imi januaarip aallaqqaataani naatsorsorneqassapput. Taarsigassarsisup 2026-mi februaarip aallaqqaataanit, 2027-imi januaarip aallaqqaataata tungaanut qaammammut akiliutigisartagassaasa naatsorsorneqarnissaannut, naatsorsuineq taanna tunngavissiissaaq.

§ 10, imm. 2-mut

Taarsigassarsisup, taassumalu inoqutaasa piffissami pineqartumi isertitaat tamarmiusut 300.000 koruuniuppata, ikinneruppataluunniit taarsigassarsisoq qaammammut akiliuteqartassanngitsoq siunnersuutigineqarpoq.

Taarsigassarsianut ukiumut akiliutissanut taarsigassarsisup akiliutissai taarsigassarsisup, taassumalu inoqutaasa piffissami pineqartumi isertitaasa tamarmiusut imm. 1 naapertorlugu naatsorsorneqartut 35%-iinut naatsorsorneqassasut siunnersuutigineqarpoq.

Taarsigassarsisup ukiumut ataatsimut katillugit akiliutigisartagassai, qaammatinut aqqaneq-marluusunut atuuttussat ukiumut ataasiartumik naatsorsornqartassapput, tak. imm. 1.

Taarsigassarsianut ukiumut ataatsimut katillugit taarsigassarsisup akiliutigisartagassai agguataarneqassapput, qaammatillu aqqaneq-marluk ingerlanerini qaammammut ataasiartumik qaammatip naanerani akilerneqartassallutik. Qaammammut akiliutissaq taarsigassarsisumit akilerneqanngitsoq nalikillilerneqassaaq.

Taarsigassarsianut qaammammut akiliutissaq 14.264,00 koruuniusimappat, taakkunungalu taarsigassarsisoq 2.971,00 koruuninik akiliuteqarpat, akiliutissat sinneri katillugit 11.347,00 koruuniusut nalikilliliissutigineqassapput.

Inoqtigiit assigiinngitsunik isertitaqartillugit taarsigassarsisup qaammammut akiliutigisartagassaasa missingersorlugu naatsorsorneqarnissaata takussusiorneqarnera:

Husstandsindkomst	Off. Lån (kr)	Bruttoydelse, mdr	Låntagers andel, mdr
200.000 kr.	1.975.000 kr.	14.264 kr.	- kr.
300.000 kr.	1.975.000 kr.	14.264 kr.	- kr.
350.000 kr.	1.975.000 kr.	14.264 kr.	1.458 kr.
400.000 kr.	1.975.000 kr.	14.264 kr.	2.917 kr.
450.000 kr.	1.975.000 kr.	14.264 kr.	4.375 kr.
500.000 kr.	1.975.000 kr.	14.264 kr.	5.833 kr.
550.000 kr.	1.975.000 kr.	14.264 kr.	7.292 kr.
600.000 kr.	1.975.000 kr.	14.264 kr.	8.750 kr.
650.000 kr.	1.975.000 kr.	14.264 kr.	10.208 kr.
700.000 kr.	1.975.000 kr.	14.264 kr.	11.667 kr.
750.000 kr.	1.975.000 kr.	14.264 kr.	13.125 kr.
800.000 kr.	1.975.000 kr.	14.264 kr.	14.264 kr.
850.000 kr.	1.975.000 kr.	14.264 kr.	14.264 kr.
900.000 kr.	1.975.000 kr.	14.264 kr.	14.264 kr.
950.000 kr.	1.975.000 kr.	14.264 kr.	14.264 kr.
1.000.000 kr.	1.975.000 kr.	14.264 kr.	14.264 kr.

Aningaasartuutit taarsigassarsiffiusinnaasutut missiliorneqartut kr. 2.000.000. 2023-mi juulip 25-ani erniarititaq, 3,1%)

*Nr. 6-imut*

§ 10a-mut

Aalajangersagaq nutaajuvoq.

§ 10a, imm. 1-2-mut

Illumik sanaqataaffiusumik sanaartornissamut imaluunniit pissarsinissamut taarsigassarsiffiusinnaallutik aningaasartuutissanut tamanut kommunalbestyrelsi taarsigassarsisitsinnaassasoq siunnersuutigineqarpoq. Taamaattoq taarsigassarsisup nammineq akiliutissai 25.000 koruuniusut ilanngaatigineqassapput.

Kommunalbestyrelsip taarsigassarsisitsinissaminik siumut neriorsuuteqarnissaani, taarsigassarsisup kommunimut nammineerluni akiliutissaasa 25.000,00 koruuniusut akiliisimanissaat piunasaqaataavoq. Taarsigassarsisitsinissamik siumut neriorsuut, piunasaqaataasullu tassunga atasut akuerineqarsimatinnagit, namminerlu akiliutissaq akilersimatinnagu kommunalbestyrelsi imaluunniit taarsigassarsisoq illumik katitigassamik pisisinnaanngilaq, illumillu sanaqataaffiusumik ikiorserneqarnissaq pillugu isumaqatigiissusiorsinnaanani.

§ 10b-mut

Aalajangersagaq nutaajuvoq.

Taarsigassarsisup ernianik, akilersuutinillu kommunalbestyrelsimut akiliutigisartagai aningaasanut immikkut agguagassanut (aningaasaliissutit) ikineqartassasut siunnersuutigineqarpoq. Akiliutigineqartartut naatsorsuutinit kommunalbestyrelsip immikkoortissavai, taakkunanngalu ataavartumik aningaasaleeqqittarnissaq qulakkeertarlugu.

Taarsigassarsisup akiliutigisartagai, kommunip kingusinnerusukkut illunik sanaqataaffiusunik nutarterinissamut taarsigassarsisitsinissaanut imaluunniit tapiissuteqarnissaanut toqqortaatigineqassapput. Taarsigassarsisup ernianut, akilersuutinullu akiliutai kommunalbestyrelsip siunertanut allanut atorsinnaanagit, illut sanaqataaffiusut pilersaarutaasumik aserfallatsaalineqarnissaannut, nutarterneqarnissaannullu taarsigassarsiissutissatut imaluunniit tapiissutissatut taamaallaat atorsinnaavai.

§ 10c-mut

Aalajangersagaq nutaajuvoq.

§ 10c, imm. 1-imut

Illut sanaqataaffiusut taarsigassarsiffigineqarsimallutik taarsersugassartai suli taarsersorneqartut pilersaarutaasumik aserfallatsaalineqarnissaannut, nutarternissaannullu kommunalbestyrelsi taarsigassarsisitsisinnaassasoq imaluunniit tapiissuteqarsinnaassasoq siunnersuutigineqarpoq. Illut sanaqataaffiusut piusut, malittarisassallu atuuttut naapertorlugit taarsigassarsisimaneq, taarsigassarsitinneqarnissamillu siumut neriorsorneqarneq tunngavigalugit illut sanaqataaffiusut sanaartorneqartut aalajangersakkami aamma pineqarput.

Illut sanaqataaffiusut pilersaarutaasumik aserfallatsaalineqarnissaannut suliniutit pilersaarummi, Naalakkersuisut akuersissutigisimasaanni nassuiarneqarsimasut suliarineqarnissaasa qulakkeerneqarnissaannut taarsigassarsiissutit, tapiissutillu atorneqassapput.

Illup sanaqataaffiusup pilersaarutaasumik aserfallatsaalineqarnissaanut pilersaarut akuerineqarsimasoq naapertorlugu, illup sanaqataaffiusup pilersaarutaasumik aserfallatsaalineqarnissaanut, nutarterneqarnissaanullu taamaallaat taarsigassarsisitsisoqarsinnaavoq imaluunniit tapiissuteqartoqarsinnaavoq. Illut sanaqataaffiusut qanoq ittuunerinik akuerisaasut pillugit § 35 innersuussutigineqarpoq. Illup sanaqataaffiusup aserfallatsaalineqarnissaanut pilersaaruteqanngippat, illup qanoq ittuuneranut akuerisaalluni aserfallatsaaliinissami pilersaarutaasoq, naleqqussarneqartariaqartuni naleqqussarsimalluni qaqugukkulluunniit atuuttoq atorneqartassaaq.

Ukiumut aningaasaliissutissatut killiliussat iluini, matumani siunnersuummi § 10b-mi aningaasaliissutit pineqartut ilanngullugit, kommunalbestyrelsi taarsigassarsisitsillunilu tapiissuteqassaaq.

§ 10c, imm. 2-mut

Suliat entreprenørinit suliarineqarnissaat pillugu isumaqatigiissusiortoqartinnagut imaluunniit sanaartugassaq aallartinneqartinnagu, taarsigassarsitinneqarnissamik imaluunniit tapiiffigineqarnissamik siumut neriorsorneqarnissamik qinnuteqaammik kommunalbestyrelsip suliaqarnera, aalajangiineralu naammassineqarsimassaaq. Taarsigassarsitinneqarnissamik siumut neriorsuuteqarnissaq sioqqullugu suliat entreprenørinit suliarineqarnissaat pillugu isumaqatigiissusiortoqarsimappat imaluunniit sanaartugassaq aallartinneqarsimappat, kommunalbestyrelsi taarsigassarsitinneqarnissamik imaluunniit tapiiffigineqarnissamik qinnuteqaammik itigartitsissaaq.

Aningaasalersuinissami naammassineqanngitsumik tunngaveqartumik aalajangiisoqannginnissaanut tamanna tapertaassaaq. Taassumap saniatigut kommunalbestyrelsip itigartitsinermik nalunaaruteqarnissamik ajornartorsiuteqarsinnaanera



naatsorsuutigalugu sanaartormermik aallartitsisimasinnaasunit qinnuteqartunit assuarnartumik kommunalbestyrelsip tatisimaneqarsinnaaneranut tamanna qulakkeerivoq.

§ 10c, imm. 3-mut

Pisortat inissianut tapersiissuteqartarnerat imaluunniit inissianik sanaartornissamut, iluarsartuussinissamut, alliliinissamut, pitsanngorsaanissamullu tapiissuteqartarnerat imaluunniit aningaasalersuisarnerat pillugu inatsimmik allamik tunngaveqartumik ikiorsiisoqarsimatillugu, siunnersuut manna malillugu ilutigisaanik taarsigassarsitsisoqarsinnaanngilaq imaluunniit tapiissuteqartoqarsinnaanngilaq. Inatsit alla tunngavigalugu qinnuteqartoq ikiorserneqarsimaguni, qinnuteqartup inatsit suna tunngavigalugu taarsigassarsitinneqarnissaminik imaluunniit tapiiffigineqarnissaminik qinnuteqarnerluni nalunaarutigisariaqarpaa.

§ 10d-mut

Aalajangersagaq nutaajuvoq.

§ 10d, imm. 1-imut

Taarsigassarsitinneqarnissaminik qinnuteqartut inoqutigiittut piffissami pineqartumi isertitaat tamarmiusut 300.000 koruunit sinnernagit isertitaqartunut taamaallaat nutarterinissamut tapiissuteqartoqarsinnaavoq. Taamaalilluni aserfallatsaaliinissamut pisariaqartumik sipaaruteqarnissaminut ajornartorsiuteqartutut isigineqarsinnaasut kisimik, tapiiffigineqarnissaminik qinnuteqarsinnaanissaat pingaartinneqarpoq.

§ 10d, imm. 2-mut

100.000 koruunit tikillugit taarsigassarsitsisoqarsinnaavoq. Nutarterinissamut taarsigassarsiissutigineqarsimasut akilersimatinnagit, nutarterinissami suliassat nutaat aningaasalersorneqarnissaannut nutaamik, tapertaliussamilluunniit taarsigassarsitsisoqarsinnaanngilaq. Nutarterinissami taarsigassarsiat tamakkerlugit akilerneqarpata, nutarterinissamut nutaamik taarsigassarsitsisoqarsinnaavoq.

Nationalbankip erniaritittagai 3%-pointimik ilallugit taarsigassarsiissutit ernialersorlugit, taarsigassarsiissutit ukiumi 15-ine akilersugassanngorlugit amerlaqatigiinnik akilersugassatut taarsigassarsiissutigineqassapput. Taarsigassarsiat ullormi tunniunneqarfiisa ulluanit erniaq aalajangersarneqassaaq.

Taarsigassarsisut ataasiakkaat utertitsillutik akiliuteqarnissaminut pisussaaffiat oqilisillugu, imm. 1 aamma imm. 2 ataqatigiissillugit kommunalbestyrelsi taarsigassarsianut, tapiissutinullu akuleriimmik aamma aningaasalersuisinnaavoq. Iluarsagassanut, nutarterinissanullu annertunerusunut kommunalbestyrelsip aningaasalersuinissaa siunertaavoq.

§ 10d-p sinaakkutaasa, Naalackersuisullu malittarisassatut aalajangersagaasa iluini taarsigassarsisitsinissamut imaluunniit tapiissuteqarnissamut allaffissornikkut periaasissamik, kommunalbestyrelsi aalajangersaasinnaavoq. Assersuutigalugu tapiissuteqarnissami, taarsigassarsisitsinissamilu minnerpaaffissamut, annerpaaffissamullu suleriaasissamik kommunalbestyrelsi aalajangiisinnaavoq.

§ 10d, imm. 3-mut

Nutarterinissamut tapiissutit imaluunniit taarsigassarsiissutit qinnuteqartumut tunniunneqarsinnaanngillat. Taamaallaat sulisartunut imaluunniit pisiortorfimmut tunniussisoqarsinnaavoq, aatsaallu suliap suliarineqarsimaneranut imaluunniit pisiat tunniunneqarsimaneranut uppersaammik takutitsinikkut.

§ 10d, imm. 4-mut

Tapiissuteqarnissamut, taarsigassarsisitsinissamullu piumasaqaataasunut, matumani erniaqanngitsumik akiliutitaqanngitsumillu taarsigassarsisitsinermi malittarisassat, piginnittut nikinnerini utertitsinissamut malittarisassat, pisussaaffinnillu sumiginnaanermi taarsigassarsianik utertitsinissaq pillugu malittarisassat ilanngullugit, Naalackersuisut malittarisassanik aalajangersaanissaanut piginnaatinneqarput. Illuliortiternernut aningaasalersuineq pillugu Inatsisartut inatsisaanni kapitali 4 aamma 4a naapertorlugit iluarsartuussinissanut kommunalbestyrelsit taarsigassarsisitsisarnerinut, tapiissuteqartarnerinullu malittarisassanut sapinngisamik naapertuunnissaat anguniarneqassaaq.

*Nr. 7-mut*

§ 11, imm. 1-imut

Illumik sanaqataaffiusumik sanaartornermut imaluunniit pissarsinermut atatillugu taarsigassarsiffiusinnaallutik aningaasartuutissat 100 %-imik aningaasalersorneqarnissaanut kommunalbestyrelsip taarsigassarsisitsinissaanut, siunnersuutip § 7-ia aamma § 8-aa imaluunniit aalajangersagaq manna malillugu inatsisitigut piumasaqaateqanngilaq. Procentimik appasinnerusumik, assersuutigalugu taarsigassarsiffiusinnaallutik aningaasartuutissat 90 %-iinik taarsigassarsisitsisarnissamik kinguneqartumik, allaffissornikkut periaasissamik kommunalbestyrelsi aalajangersaasinnaavoq.

Illumik sanaqataaffiusumik sanaartornermut imaluunniit pissarsinermut atatillugu taarsigassarsiffiusinnaallutik aningaasartuutissat kommunalbestyrelsimit taarsigassarsitinneqarnikkut matussuserneqarsinnaanngitsut, taarsigassarsisup nammineerluni aningaasalersussavai.

Taarsigassarsisitsinissamik kommunalbestyrelsip neriorsuuteqarnissaani, taarsigassarsisussap aningaasartuutissat taakkua ilumut akilersinnaanissaanut uppersaanissaap piumasaqaataavoq. Tamatumani sanaqataasup pilersaarummik naammassinnissinnaanissaa,

pilersaarutitut naammassineqartussatut naatsorsuutigineqartunut kommunalbestyrelsi taamaallaat taarsigassarsisitsisarnissaa taamaalilluni qulakkeerniarneqarpoq. Taarsigassarsinissamik qinnuteqartup nammineerluni aningaasaliinissaanut uppersaat tassaasinnaavoq, taarsigassarsinissamik qinnuteqartup nammineerluni aningaasaliissutissaminut akiliisinnaassuseqarnera allassimalluni, taarsigassarsinissamik qinnuteqartup aningaaserivianiit nalunaarut naatsoq.

Taarsigassarsisitsinissamik siumut neriorsuut, piumasaqaataasullu tassunga atasut akuerineqarsimatinnagit, kommunillu taarsigassarsisitsinissaminik siumut neriorsuutaanit aningaasartuutissat aningaasalersorneqartussaangitsut, illumillu sanaqataaffiusumik sanaartornissamat piumasaqaataalluni taarsigassarsisup nammineerluni aningaasalersuinissaa uppersaateqartinnagu, kommunalbestyrelsi imaluunniit taarsigassarsisoq illumik katitigassamik pisisinnaangilaq, illumillu sanaqataaffiusumik ikiorserneqarnissaq pillugu isumaqatigiissusiorsinnaanani.

§ 11, imm. 2-mut

Kommunip taarsigassarsisitsinissamik siumut neriorsuutaanit aningaasalersorneqartussaangitsunut, illumillu sanaqataaffiusumik sanaartornissamat piumasaqaataalluni taarsigassarsisup aningaasartuutissanut akiliutissaanut, aningaaserivimmi qularnaveeqqusiisoqarnissaanik kommunalbestyrelsi piumasaqarsinnaavoq.

Kommunip taarsigassarsisitsinissamik siumut neriorsuutaanit aningaasalersorneqartussaangitsunut, illumillu sanaqataaffiusumik sanaartornissamat piumasaqaataalluni taarsigassarsisup aningaasartuutissaminik akiliutissaminut qularnaveeqqusiinissaanik, taarsigassarsisitsinissamik siumut neriorsuuteqarnissami kommunalbestyrelsi piumasaqaateqarsinnaassasoq siunnersuutigineqarpoq.

Kommunip taarsigassarsisitsinissamik siumut neriorsuutaanit aningaasalersorneqartussaangitsut, illumillu sanaqataaffiusumik sanaartornissamat piumasaqaataalluni taarsigassarsisup aningaasartuutissani akilersinnaangimmagit illut sanaqataaffiusoq naammassineqarsinnaangippat kommunalbestyrelsip illu sanaqataaffiusoq pigiinnarsinnaassavaa, illullu sanaqataaffiusup il.il. naammassillugu sanaartorneqarsinnaanut aningaasartuutissat aningaasartuutigalugit. Pisumi tassani kommunalbestyrelsip illu sanaqataaffiusoq siunertanut allanut, matumani attartortitassatut atorsinnaaneraa aalajangiisuuvoq.

Taarsigassarsisitsinissamik siumut neriorsuutip nalunaarutigineqarnerani kommunalbestyrelsip illu sanaqataaffiusoq siunertanut allanut atorsinnaassanngikkaa nalilerneqarpat, akiliinissamat qularnaveeqqusiisoqassasoq piumasaqartoqassaaq.

*Nr. 8-mut*

§ 12, imm. 1-imut

Illumik sanaqataaffiusumik sanaartornermut imaluunniit tigusinermut taarsigassarsiffiusinnaallutik aningaasartuutissat tamarmiusut, kommunalbestyrelsimit taarsigassarnikkut aningaasalersorneqanngitsut aningaasalersorneqarnissaannut taarsigassarsisup taarsigassarsiarisinnaasai, illumi sanaqataaffiusumi qularnaveeqqusiinikkut qulakkeerneqarsinnaapput.

Taarsigassarsisitsinermi allagartap Kalaallit Nunaanni Eqqartuussivimmut nalunaarutigineqarnerani, illumik sanaqataaffiusumik sanaartornermut imaluunniit tigusinermut taarsigassarsiffiusinnaallutik aningaasartuutissat tamarmiusut ilaasa, kommunalbestyrelsimit taarsigassarnikkut aningaasalersorneqanngitsut akilerneqarnissaasa aningaasalersorneqarnissaat qularnaveeqqusiussaqaarluni taarsigassarsiat allagartaata annertussusaani taamaallaat pineqartoq kommunalbestyrelsip uppersarsassavaa.

§ 12, imm. 2-4-mut

Illumik sanaqataaffiusumik sanaartornermut imaluunniit pissarsinermut kommunalbestyrelsimit taarsigassarsiissutigineqartut, illumi sanaqataaffiusumi qularnaveeqqusiisoqarneratigut isumannaarneqassapput.

Kommunalbestyrelsip taarsigassarsiarititai illumi sanaqataaffiusumi qaffatsinneqarlutik qularnaveeqqutaassapput. Taamaattumik illumik sanaqataaffiusumik sanaartornermut imaluunniit tigusinermut taarsigassarsiffiusinnaallutik aningaasartuutissat tamarmiusut, kommunalbestyrelsimit taarsigassarnikkut aningaasalersorneqanngitsut aningaasalersorneqarnissaannut taarsigassarsianut qularnaveeqqutigalugit qularnaveeqqusiussaqaarluni taarsigassarsinermi allagartaq salliisoq, kommunalbestyrelsimit qularnaveeqqusiussaqaarluni taarsigassarsinermi allagartap taamaallaat ataqqisinnaavaa.

Tamatuma saniatigut lov for Grønland om pant (qularnaveeqqusiineq pillugu Kalaallit Nunaannut inatsit), qularnaveeqqusiussaqaarlunilu taarsigassarsinermi allagartanut malittarisassat nalinginnaasut atuupput.

*Nr. 9-mut*

Illumut sanaqataaffiusumut piginnittussaataaneq taarsigassarsitinneqartumut tunniunneqarsinnaanngippat, illumik sanaqataaffiusumik sanaartornermi imaluunniit tigusinermi taarsigassarsiffiusinnaallutik aningaasartuutini tamarmiusuni, kommunalbestyrelsimit taarsigassarsiatigut aningaasalersorneqanngitsut, taarsigassarsisup uppersarsinnaallugu aningaasartuutigisimasai, taarsigassarsisullu nammineerluni akiliutigisai 25.000 koruuniusut kommunalbestyrelsip utertissagai aalajangersakkap aalajangersarppaa. Aningaasartuutigineqarsimasuinnaat kommunalbestyrelsip utertissavai.

Taamaattumik aningaasanik utertitsinissami suliassat suut il.il. suliarineqarsimanerinit uppersaateqarnissaq, taarsigassarsisullu taakkununga akiliutigisimasaanut uppersaateqarnissaq piумаqataavoq.

Illumik sanaqataaffiusumik sanaartornermut imaluunniit tigusinermut atatillugu taarsigassarsisup nammineerluni suliaasa nalingat kommunalbestyrelsip taarsersinnaanngilai. Illumik sanaqataasumik naatsorsuutigisamik suliaanut taarsigassarsisup aningaasartuutigisai, kommunalbestyrelsip aamma taarsersinnaanngilai.

*Nr. 10.mut*

Aalajangersagaq nutaajuvoq.

Siunnersuummi § 9 aamma § 10 naapertorlugit taarsigassarsisoq, illumut sanaqataaffiusumut taarsigassarsiaminut qaammammut akiliuteqartassaaq. Qaammammut akiliutaasartussaq qaammatit tamaasa aallartinnerini akilerneqartassaaq. Taarsigassarsiat atsiorneqarnerminni angissusiisa akilersorneqarneri, taarsigassarsiallu atsiorneqarnerminni angissusiisa erniaat katillugit akilersuutigineqassapput.

Erniat, akilersuutillu piffissaagallartillugu aamma Lov for Grønland om pantip (qularnaveeqqusiineq pillugu Kalaallit Nunaannut inatsisip) § 2a naapertorlugu taarsigassarsisup akilinngippagit, taarsigassarsiat akiligassanngortinneqassapput: § 2a ima oqaasertaqarpoq:

*” § 2 a. Indbetaling efter et pantebrev i fast ejendom i Grønland til postvæsenet her i riget til befordring til betalingsstedet er rettidig, når den sker inden for den betalingsfrist, der gælder efter pantebrevet. Skal det skyldige beløb for at komme frem til betalingsstedet sendes mellem beboede steder i Grønland og mellem Grønland og det øvrige rige, og når beløbet ikke frem til betalingsstedet inden betalingsfristens udløb, anses indbetalingen dog kun som rettidig, hvis beløbet inden betalingsfristens udløb er afsendt telegrafisk til betalingsstedet.*

*Imm. 2. Betales renter eller afdrag efter et pantebrev i fast ejendom ikke rettidigt, kan kreditor kun forlange kapitalen indfriet, såfremt debitor ikke har betalt renter og afdrag senest 7 dage efter, at skriftligt påkrav herom er afsendt eller fremsat. Kreditors påkrav skal være afgivet efter sidste rettidige betalingsdag og skal udtrykkelig angive, at kapitalen kan forlanges indfriet, hvis renter og afdrag ikke betales inden fristens udløb, jfr. herved stk. 1. Skal påkravet for at nå frem til debitor sendes mellem beboede steder i Grønland og mellem Grønland og det øvrige rige, er fristen for betaling 7 dage efter, at debitor har modtaget påkravet, medmindre påkravet er afsendt telegrafisk til debitor.*

*Imm. 3. Reglerne i stk. 1 og 2 kan ikke ved aftale fraviges til ugunst for debitor.”*

*(” § 2 a. Kalaallit Nunaanni illuutinit qularnaveeqqusiussaqaarluni taarsigassarsinermi allagartap akiliuteqarfigneqartumut nassiutassanngorlugu maani naalagaaffimmi allakkerisarfimmut akiliuteqarneq piffissaagallartillugu akilerneqartarpoq, qularnaveeqqusiussaqaarluni taarsigassarsinermi allagartap kingusinnerpaamik akilerneqarnissaanut piffissaliussap iluani akilerneqarsimappat. Akilerneqartussaataitaasoq akiliuteqarfissamut anngunnissaanut Kalaallit Nunaanni najukkat akornanni aamma Kalaallit Nunaanni naalagaaffiullu sinnerani nassiunneqartussaattillugu, akiliinissamullu piffissaliussap qaangiutinnginnerani akiliutigineqartoq anngutinngippat, akiliutigineqartoq piffissaagallartillugu akiliuteqarfissamut*

*telegrafiikkoortillugu nassiunneqarsimappat, akiliutigineqartoq piffissaagallartillugu akilerneqarsimasutut aatsaat isigineqassaaq.*

*Imm. 2. Illumut qularnaveeqqusiussaqaarluni taarsigassarsinermi allagartaq malillugu erniat, akilersuutillu piffissaagallartillugu akilerneqanngippata, erniat akilersuutillu akilerneqarnissaannik allakkatigut piunasaqaatip nassiunneqarneranit imaluunniit saqqummiunneqarneranit kingusinnerpaamik ullut arfineq-marluk qaangiutsinnagit akiligassallip erniat, akilersuutissallu akilersimanngippagit, akiligassaqaarfiup aningaasat tamakkerlugit akileqqusinnaavai. Akiligassaqaarfiup piunasaqaataa piffissaagallartillugu akiliuteqarfissap ulluani kingullermi tunniunneqarsimassaaq, piffissaliussallu qaangiutinnginnerani erniat, akilersuutillu akilerneqarsimanngippata akiligassat akileqquneqarsinnaanerit ersarissumik allassimassalluni, tak. imm. 1. Piunasaqaat akiligassalimmu annungussinnaaqqullugu Kalaallit Nunaanni najukkat akornanni aamma Kalaallit Nunaanni naalagaaffiullu sinnerani nassiunneqartussaattillugu, piunasaqaat akiligassalimmu telegrafiikkoortillugu nassiunneqarsimanngippat, akiligassallip piunasaqaammik tigusineranit kingusinnerpaamik ullut arfineq-marluk qaangiunnerini akiligassaq akilerneqarsimassaaq.*

*Imm. 3. Imm. 1-imi aamma 2-mi malittarisassat akiligassalimmu iluaqutaasussaaqunnaarlugit isumaqatigiissuteqarnikkut saneqqunneqarsinnaanngillat.”*

Taarsigassarsisup taarsersugassani sumiginnarpagit, taarsigassarsisullu sumiginnaanini unitsinngippagu, taarsigassarsiat tamakkerlugit akiligassanngortinneqassapput. Taarsigassarsiissutit akiligassanngortinneqarpata kommunalbestyrelsip illu tigusinnaavaa imaluunniit akiitsut akilerniarlugit illu tuniniaqqusinnaallugu. Taarsigassarsisup taarsigassarsiami erniai, akilersuutillu akilinnngippagit, illu aserfallatsaalinnikkuniuk imaluunniit illu ikuallattoornissamut, ajoqusersinnaanerannullu sillimmasersimanngikkuniuk sumiginnaassaaq.

Kommunalbestyrelsip taarsigassarsiissutigisaanik sumiginnaaneq pillugu inatsimmi §§ 23-24 innersuussutigineqarput.

*Nr. 11-mut*

Aalajangersagaq nutaajuvoq.

§ 27a, imm. 1-imut

Illunik sanaqataaffiusunik nutaanik sanaartornissamut taarsigassarsitinneqarnissamut, kommunalbestyrelsi ukiumut ataasiarluni januaarimi tamanut ammasumik qinnuteqaqqusissasoq siunnersuutigineqarpoq. Qinnuteqaatit kingusinnerpaamik marsip aallaqqaataani tunniunneqareersimassasut siunnersuutigineqarpoq. Taamaanneratigut qinnuteqartut nunaminertamik atugassinneqarnissaminnik qinnuteqarnissaminnut, qinnuteqaammullu uppersaataasariaqartunik pissarsinissaminnut piffissaqassapput, tak. Illunut sanaqataaffiusunut taarsigassarsiat pillugit Inatsisartut inatsisaanni § 28.

Aningaasat immikkoortinneqarsimasut siullermeertumik qinnuteqaqqusinerne atugassanngorsimappata, illunik sanaqataaffiusunik nutaanik sanaartornissamut aningaasanik immikkoortitseqqinnissaminik kommunalbestyrelsi aalajangersinnaavoq. Taamaattoqassappat qinnuteqarnissamut naleqquttumik piffissalerlugu, nutaamik qinnuteqaqqusisoqassaaq.

Taassumap kingunerisaanik kommunimi illunik sanaqataaffiusunik nutaanik sanaartornissamut taarsigassarsitinneqarnissamik qinnuteqaatinik kommunalbestyrelsi ataatsimoortumik suliarinnillunilu pingaarnersiuisinnaassaaq.

§ 27a, imm. 2-mut

Illunik sanaqataaffiusunik nutaanik sanaartornissamut taarsigassarsiissutit inissianik pisariaqartitsinermit iluarseeqataassapput, ilutigisaanillu inuit sapinngisamik amerlanerpaat inissiatigut imminut pilersornissaannut tapertaallutik. Illunik sanaqataaffiusunik nutaanik sanaartornissamut taarsigassarsitinneqarnissamik qinnuteqaatinik tigusinermi, qinnuteqartut piunasaqaataasunik naammassinninersut siullertut nalilerneqassaaq.

Nammineq akiliutissat 25.000 koruuniusut qinnuteqartup akilersinnaaneraikommunalbestyrelsip misissussavaa. Illumik sanaqataaffiusumik sanaartornermut imaluunniit pissarsinermit taarsigassarsiffiuisinnaallutik aningaasartuutissat tamarmiusut, kommunalbestyrelsimit taarsigassarnikkut aningaasalersorneqanngitsut taarsigassarsiniap aningaasalersorsinnaaneraikommunalbestyrelsip misissussavaa. Kiisalu illup sanaqataaffiusup pilersaarutaasumik aserfallatsaalineqarnissaanut aningaasartuutissat taarsigassarsiniap aningaasalersorsinnaassaneraikommunalbestyrelsip nalilissavaa.

Taassumap kingorna qinnuteqaatit akuerisaasut, illunik sanaqataaffiusunik sanaartornissamut aningaasat immikkoortinneqarsimasut iluini pingaarnersiorneqassapput. Qinnuteqartut illutaarnissaminnut pisariaqartitsinerpaasut, inissaminnillu periarfissatut tunineqarnissaminnut periarfissaqanngitsut salliunneqassapput.

Qinnuteqaatit aningaasaliissutinit immikkoortinneqarsimasunit amerlaneruppata, qinnuteqaatit sinneri itigartitsissutigineqassapput. Qinnuteqartut taakkua aappaaguani qinnuteqartitsinermi imaluunniit ilassutitut aningaasaliinermit atatillugu qinnuteqaqquseqqinnermi qinnuteqaqqissinnaapput.

§ 27a, imm. 3-mut

Qinnuteqaatit imm. 1 aamma imm. 2 naapertorlugit suliarineqareerlutik aalajangiiffigineqareerpata aningaasaliissutit tamakkerlugit atorneqarsimangippata, kingusinnerusukkut qinnuteqaatit tiguneqartut tigusineri ilutigalugit, pingaarnersiorneraqanngitsumillu suliarineqarsinnaapput.

§ 27a, imm. 4-mut

Imm. 2 naapertorlugu kommunalbestyrelsip qinnuteqaatinik pingaarnersiuisinnaanut Naalackersuisut malittarisassanik aalajangersaanissaminnut piginnaatinneqassasut siunnersuutigineqarpoq. Qinnuteqartut illutaarnissaminnut pisariaqartitsinerisa nalilersorneqarnissaannut, periarfissatullu inissiamik pilersornissaminnut periarfissaasa nalilersorneqarnissaannut piunasaqaatit suut pingaartinneqarsinnaanissaannut imaluunniit suut pingaartinneqarnissaannut naalackersuisut malittarisassanik aalajangersaasinnaapput.

*Nr. 12-imut*

Aalajangersagaq atuuttoq aalajangersakkami ingerlateqqinneqarpoq. Taarsigassarsisitsinissami siumut neriorsuuteqarnissami taarsigassarsitinneqarnissamik qinnuteqartup nammineq akiliutissaminik 25.00,00 koruuniusunik akiliisimanissaa, aningaaserivimmi qularnaveeqqusiisinaanissaa kiisalu taarsigassarsiap suliarineqarneranut akiliuteqarsimanissaa piumasagaataasoq erseqqissaatigineqarpoq.

Kommunalbestyrelsi missingersuusiamik ingerlatsinermullu missingersuummik qinnuteqartumut saqqummiussissaaq. Qinnuteqartoq missingersuusianut ingerlatsinermilu missingersuusianut akuersisinnaappat kommunalbestyrelsi taarsigassarsinissamut siumut neriorsuummik nalunaaruteqassaaq. Taarsigassarsisitsinissami siumut neriorsuuteqarnissami qinnuteqartup nammineq akiliutissaminik 25.000,00 koruuniusunik akiliisimanissaa, ilaatigut aningaaserivimmi qularnaveeqqusiisimanissaa kiisalu taarsigassarsiap suliarineqarneranut akiliuteqarsimanissaa piumasagaataassaaq.

*Nr. 13-imut*

Aalajangersagaq nutaajuvoq. Illunut sanaqataaffiusunut aaqqissuussamik kommunit atuinerinut aalajangersagaq tamat isiginnissuseqalersitseqataassaaq.

§ 32a, imm. 1-imut

Ukiumi naatsorsuusiorfiusumi qaangiuttumi taarsigassarsisitsinissamik siumut neriorsuutit nutaat qassit neriorsuutigisimanerlugit, ukiut naatsorsuusiorfiusut tamaasa kommunalbestyrelsi nalunaarusiortassaaq. Taassumap saniatigut taarsigassarsisitsinissamik sionatigut siumut neriorsuutaasimasut atuilernissamut akuersissummik utaqqisut qassiunersut, taarsigassarsisitsinermilu uppenarsaatit aaqqissuussat paasissutissiissutigineqassapput.

Ukiumi naatsorsuusiorfiusumi aningaasaliissutinik tamakkiisumik atuneq kommunalbestyrelsip paasissutissiissutigissavaa. Taarsigassarsisitsinissamik siumut neriorsuutit atuuttut, naammassisallu ilaatinneqassapput.

§ 32a, imm. 2-3-mut

Imm. 1-imi paasissutissat illoqarfinnut, nunaqarfinnullu ataasiakkaanut agguataarlugit kommunalbestyrelsip paasissutissiissutigissavai. Illunut sanaqataaffiusunut aaqqissuussaq illoqarfinni, nunaqarfinnilu ataasiakkaani inissianik pilersuinermut iluarseeqataanersoq Naalakkersuisut naliliinissaannut periarfissiissaaq.



Kommunip naatsorsuutai kommunalbestyrelsimit oqaluuserisassanngorlugit, akuerisassanngorlugillu saqqummiunneqarnerat kingusinnerpaamik ilutigalugu, paasisutissat Naalakkersuisunut nassiunneqassapput.

*Nr. 14-imut*

Illunut sanaqataaffiusunut sananissamut pissarsinissamullu taarsigassarsiat taarsigassarsisumut akilerneqartassanngitsut aalajangersakkami aalajangersarneqarpoq. Illuliassatut katitigassanik inniminniinermik aamma illup sanaqataaffiusup sanaartornerani atugassanik sanasunik ilitersuisumillu isumaqatigiissusiornissamik aamma taarsigassarsinissamut neriorsuummi sinaakkusiussat iluanni akiliinerit isumaginissaannut kommunalbestyrelsi isumaginnissaaq.

*§ 2-mut*

*Imm. 1-imut*

Allannguutissatut siunnersuut 2024-mi juunip aallaqqaataani atuutilissasoq siunnersuutigineqarpoq.

*Imm. 2-mut*

Taarsigassarsiarititat, taarsigassarsisitsinissamillu siumut neriorsuutit piumasaqaataat allanngortinnagit ingerlaqqiinnassasut siunnersuutigineqarpoq. Taarsigassarsiarititat, taarsigassarsisitsinissamillu siumut neriorsuutit, malittarisassat atuuttut naapertorlugit suliarineqarlutillu naammassineqassapput. Taassumap kingorna § 9-mi malittarisassat atuuttut naapertorlugit taarsigassarsiissutit nalikillilerneqassapput.

Taamaakkaluartoq siunnersuutigineqarpoq, illut sanaqataaffiusut sanaartorneqareersut imaluunniit illut sanaqataaffiusunut sanaartorneqartut, illup sanaqataaffiusup nutarterneqarnissaanut siunnersuutip § 10a, imm. 2-a nutaaq naapertorlugu taarsigassarsitinneqarnissamik imaluunniit tapiiffigineqarnissamik qinnuteqarfiusinnaassasut. Illup sanaqataaffiusup aserfallatsaalineqarnissaanut pilersaaruteqanngippat, illup qanoq ittuuneranut akuerisaalluni aserfallatsaaliinissami pilersaarutaasoq, naleqqussarneqartariaqartuni naleqqussarsimalluni qaqugukkulluunniit atuuttoq atorneqartassaaq.

*Imm. 3-4-mut*

Illumik sanaqataaffiusumik nutaamik sanaartornissaminnik imaluunniit illumik sanaqataaffiusumik suli naammassineqanngitsumik tigusinissaminnik qinnuteqartut taarsigassarsitinneqarnissaminnik siumut neriorsorneqarsimasut, taarsigassarsitinneqarnissaminnik siumut neriorsorneqarsimanertik malittarisassat nutaat naapertorlugit taarsigassarsitinneqarnissaminnik siumut neriorsuummut

allanngortinneqarnissaanik qinnuteqarsinnaassasut siunnersuutigineqarpoq.

Taarsigassarsitinneqarnissaminnik siumut neriorsuutip allanngortinneqarnissaanik qinnuteqaat qinnuteqaatitut nutaatut, malittarisassallu nutaat naapertorlugit suliarineqassaaq.

Taarsigassarsitinneqarnissamik siumut neriorsuummik nutaamik tunineqarnissaq inatsisitigut piunasaqaataanngilaq. Illup katitigassap tunniunneqarnissaa inatsisitigut pituttorsimasumik isumaqatigiissusiortoqareersimatillugu imaluunniit sulisartumut isumaqatigiissusiortoqareersimatillugu, taarsigassarsitinneqarnissamik siumut neriorsuummik nutaamik qinnuteqaat kommunalbestyrelsip itigartissinaavaa. Taarsigassarsitinneqarnissamik siumut neriorsuut nutaaq kommunalbestyrelsip missingersuutaani aningaasaliissutit piusut iluini tunniunneqarsinnaangippat, kommunalbestyrelsi aamma itigartitsisinnaavoq.

<b>Siunnersuummik Inatsisartut inatsisaannut atuuttumut nallersuussineq</b>	
<i>Oqaasertaliussaq atuuttoq</i>	<i>Siunnersuut</i>
	<p><b>§ 1</b></p> <p>Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersumi tulliuttut allannguutigineqassapput:</p>
	<p><b>1.</b> § 1-imi imm. 3-tut ilanngunneqassaaq:  ” Imm. 3. Sumiiffinni nunalerinermut atugassiaasuni illunik sanaqataaffiusunik sanaartornissamut, pissarsinissamulluunniit taarsigassarsisitsisoqarsinnaavoq, illu sanaqataaffiusoq ukunannga najugaqarfiussappat:  1) nunalerisinnaanermut akuersissummik pigisaqartumit, imaluunniit  2) inunnit ingerlatsinermik isumaginnittunit.”</p>
<p><i>Imm. 3.</i> Kommunalbestyrelsi taamaallaat illunik sanaqataaffiusunik akuerisanik sananermut pissarsinermulluunniit taarsigassarsititsisinnaavoq, tak. § 35.</p>	<p><b>2.</b> § 7, imm. 3 ima oqaasertalerneqassaaq:  ” <i>Imm. 3.</i> Kommunalbestyrelsi taamaallaat illunik sanaqataaffiusunik qanoq ittuunerinik akuerisanik sananermut pissarsinermulluunniit taarsigassarsisitsisinnaavoq, tak. § 35. Qanoq ittuuneranik akuerisaasumi sanaartoqataasumit ikiortinnermut aalajangersagaq malillugu taarsigassarsisup ikiortinnissaa, taarsigassarsisitsinissami piumasaqaataavoq.”</p>

<p>§ 8. Kommunalbestyrelsi § 7, imm. 1 malillugu illumik nutaamik sanaqateqarnermi ikkussugassat pisarneq naapertorlugu aaqqissuunneqarsimasunik sumiiffimmilu ikkussugassatut tunniunneqarsimasunik pissarsinermut aningaasartuutitut uppersarneqarsimasunut tamarmiusunut taarsigassarsititsisinnaavoq, tak. § 10.</p> <p><i>Imm. 2.</i> Kommunalbestyrelsi § 7, imm. 2 malillugu illuni sanaqataaffiusuni pioreersuni suli naammassillugu sanaartorneqanngitsuni sumiiffimmi saniatigut atortussanik pisariaqartunik tunniunneqarsimasunik pissarsinermut aningaasartuutitut uppersarneqarsimasunut tamarmiusunut taarsigassarsititsisinnaavoq, tak. § 10.</p> <p><i>Imm. 3.</i> Kommunalbestyrelsi § 7 malillugu toqqavissap pilersaarusiorderanant sanaartorneranullu, sanaartoqataasumit ikiortinnermut aamma ilitersuisumit ikiortinnermut kiisalu innaallagissap, erngup imaluunniit kiassarnerup aqqaasa ikkussornerinut aningaasartuutitut uppersarneqarsimasunut tamarmiusunut taarsigassarsititsisinnaapput, tak. § 10.</p> <p><i>Imm. 4.</i> Naalackersuisut paasissutissanik ilassutaasussanik piniartarneq pillugu maleruagassanik aalajangersaasinnaapput.</p>	<p>3. § 8 ima oqaasertalerneqassaaq: ” § 8. Kommunalbestyrelsi § 7, imm. 1 malillugu illumik nutaamik sanaqateqarnermi ikkussugassat pisarneq naapertorlugu aaqqissuunneqarsimasunik sumiiffimmilu ikkussugassatut tunniunneqarsimasunik pissarsinermut aningaasartuutitut uppersarneqarsimasunut taarsigassarsititsisinnaavoq.</p> <p><i>Imm. 2.</i> Kommunalbestyrelsi § 7, imm. 2 malillugu illuni sanaqataaffiusuni pioreersuni suli naammassillugu sanaartorneqanngitsuni sumiiffimmi saniatigut atortussanik pisariaqartunik tunniunneqarsimasunik pissarsinermut aningaasartuutitut uppersarneqarsimasunut taarsigassarsititsisinnaavoq.</p> <p><i>Imm. 3.</i> Kommunalbestyrelsi § 7 malillugu sanaartorfigissaanermut, toqqavissap pilersaarusiorderanant sanaartorneranullu, sanaartoqataasumit ikiortinnermut aamma ilitersuisumit ikiortinnermut, innaallagissap, erngup imaluunniit kiassarnerup aqqaasa ikkussornerinut kiisalu innaallagissap erngullu aqqaannut, kuuffissuarnullu attavilernissamut pisortat piumasaqarnerinut aningaasartuutitut uppersarneqarsimasunut taarsigassarsititsisinnaavoq.</p> <p><i>Imm. 4.</i> Naalackersuisut paasissutissanik ilassutaasussanik piniartarneq pillugu maleruagassanik aalajangersaasinnaapput.”</p>
--	--

<p><b>§ 9.</b> § 7 malillugu kommunalbestyrelsimit taarsigassarsiat ernialersorneqanngitsutut akilersugassaannngitsutullu taarsigassarsiaapput.</p> <p><i>Imm. 2.</i> Taarsigassarsiat ukiuni 20-ni akilersugassaapput. Taarsigassarsiat ukiut tamaasa assigiimmik akilersorneqarlutik taarsigassarsiat akilersorneranni assigiittumik annertussuseqartunik appartinneqartassapput.</p>	<p><b>4. § 9</b> ima oqaasertalerneqassaaq: ” <b>§ 9.</b> § 7 malillugu kommunalbestyrelsip taarsigassarsiissutigisai, tak. § 8, ukiuni 20-ni amerlaqatigiinnik akilersugassanngorlugit taarsigassarsiissutigineqassapput. Nationalbankip erniaritittagai 3%-pointimik ilallugit taarsigassarsiissutit ernialersorneqassapput. Illup sanaqataaffiusup atulernissaanut akuersissutip ulluanit erniaq aalajangersarneqassaaq, taarsigassarsiallu ukiut taarsersorneqarfissaanni atuulluni.</p> <p><i>Imm. 2.</i> Taarsigassarsiissutit ernialersorneqassapput, qaammatillu tamaasa aalajangersimasumik akiliuteqartarnikkut akilersorneqassallutik, qaammammut qaangiuttumut qaammatit aallartinnerini ullormi siullermi, taamaattoq tak. imm. 3.</p> <p><i>Imm. 3.</i> Taarsigassarsianut siullermeertumik akiliutigineqartussaq, illumut sanaqataaffiusumut atuilernissamik akuersissutip tunniunneranit ukiumi tulliuttumi februaarip aallaqqaataani siullermeertumik akilerneqassaaq.”</p>
<p><b>§ 10.</b> Kommunalbestyrelsip § 7 naapertorlugu taarsigassarsiaritissinnaasaasa annerpaaffissaat qinnuteqartup inoqutaasalu, kiisalu qinnuteqartup illumilu sanaqaaffiusumi inoqutissaasa ukiuni naatsorsuiffiusuni kingullerni tallimani isertitaat akileraarutaasussat agguaqatigiissinneqarnerat tunngavigalugit naatsorsorneqassapput.</p> <p><i>Imm. 2.</i> Kommunalbestyrelsimit taarsigassarsiat § 7 malillugu aningaasartuutit uppersarneqartut tamarmiusut 95 procentii tikillugit annertussuseqarsinnaapput.</p> <p><i>Imm. 3.</i> Qinnuteqartoq § 7 malillugu aningaasartuutit uppersarneqartut</p>	<p><b>5. § 10</b> ima oqaasertalerneqassaaq: ” <b>§ 10.</b> Taarsigassarsisup, taassumalu inoqutaasa piffissami pineqartumi isertitaat tamarmiusut ukiut tamaasa januaarip aallaqqaataani naatsorsorneqartut tunngavigalugit, qaammatini tulliuttuni aqqaneq-marluusuni qaammammut akiliutigineqartartussaq naatsorsorneqassaaq. Siullermeertumik illumut sanaqataaffiusumut atuilernissamik akuersissutip tunniunneranit ukiumi tulliuttumi januaarip aallaqqaataani.</p> <p><i>Imm. 2.</i> Taarsigassarsisup, taassumalu inoqutaasa piffissami pineqartumi isertitai tamarmiusut 300.000 koruunit sinnersimatillugit, taamaattoq tak. imm. 1, isertitaasa 35 %-iisa nalinganik ukiumut tamarmiusumik akiliutissat ilaannik</p>

<p>tamarmiusut 5 %-iannik nammineq akiliutissamik tunniussisinnaassaaq.</p> <p><i>Imm. 4.</i> Kommunalbestyrelsimit taarsigassarsiat qinnuteqartup ukiumoortumik inoqutigiinni isertitai akileraaruserneqartussat agguaqatigiissinneri 300.000 kr.-it sinnerpagit, 5.882,00 kr.-it tamaasa 1 procentpointinik appartinneqartassapput.</p> <p><i>Imm. 5.</i> Qinnuteqartup inoqutigiinni isertitai akileraaruserneqartussat agguaqatigiissinnerini 600.000 kr.-it sinnerpagit, kommunalbestyrelsi inatsit manna malillugu taarsigassarsisitsisinnaangilaq.</p>	<p>taarsigassarsisoq akiliuteqassaaq, taamaattoq annerpaamik ukiumut tamarmiusumik akiliutissaq. Ukiumut tamarmiusumik akiliutissaq taarsigassarsisumit akilerneqanngitsoq nalikillilerneqassaaq.”</p>
	<p><b>6.</b> § 10 kingorna ilanngunneqassaaq:</p> <p><b>§ 10 a.</b> Kommunalbestyrelsimit taarsigassarsiat § 7 malillugu aningaasartuutit uppersarneqartut tamarmiusut 100 procentii tikillugit annertussuseqarsinnaapput, tak. § 8, nammineq akiliutit ilanngaatilugit, tak. imm. 2.</p> <p><i>Imm. 2.</i> § 7 malillugu taarsigassarsitinneqarnissamik siumut neriorsuuteqarnissami, tak. § 8, qinnuteqartup 25.000 koruuninik nammineerluni akiliutissaminik kommunalbestyrelsimut akiliuteqarnissaa piunasaqaataavoq.</p> <p>Taarsigassarsitinneqarnissamik siumut neriorsuummik qinnuteqartup akuersinera ilutigalugu, nammineq akiliutissat kommunalbestyrelsimut akiliutigineqassapput. ”</p> <p><b>§ 10 b.</b> Inatsisartut inatsisaat manna naapertorlugu illunut sanaqataaffiusunut taarsigassarsiarititanut akilersuutit akilerneqarsimasut, illunik sanaqataaffiusunik pilersaarutaasumik aserfallatsaaliuinissamut, nutarternissamullu</p>

	<p>kommunip taarsigassarsiissutissatut imaluunniit tapiissutissatut agguagassaanut nuunneqassapput.</p> <p><b>§ 10 c.</b> Illut sanaqataaffiusut aningaasalersorneqarnissaat pillugu Inatsisartut inatsisaat manna imaluunniit siusinnerusukkut inatsit naapertorlugu illut sanaqataaffiusut taarsigassarsiffigineqarsimallutik taarsersugassartai suli taarsersorneqartut pilersaarutaasumik aserfallatsaaliornissaannut, nutarternissaannullu kommunalbestyrelsi taarsigassarsisitsisinnaavoq imaluunniit tapiissuteqarsinnaavoq.</p> <p><i>Imm. 2.</i> Taarsigassarsisitsinissamik siumut neriorsuisoqartinnagu pituttuisumik sanaartornissamut isumaqatigiissuteqarfioersimanngitsunut imaluunniit sanaartornernut aallartinneqareersimanngitsunut sulianut, tunniissanullu taamaallaat taarsigassarsisitsisoqarsinnaavoq imaluunniit tapiissuteqartoqarsinnaavoq.</p> <p><i>Imm. 3.</i> Inissianik aserfallatsaaliuinissamut nutarterinissamullu pisortat ikiorsiissuteqartarnerat, tapiissuteqartarnerat imaluunniit aningaasalersuisarnerat pillugit inatsit alla malillugu kommunalbestyrelsi ilutigisaanik taarsigassarsisitsisinnaangilaq imaluunniit tapiissuteqarsinnaangilaq.</p> <p><b>§ 10 d.</b> Taarsigassarsitinneqartup, taassumalu inoqutaasa piffissami tapiissutit aningaasaliiffigineqarnerini piffissami pineqartumi isertitai tamarmiusut 300.000 koruunit sinnersimanngippagit aatsaat tapiissuteqartoqarsinnaavoq.</p> <p><i>Imm. 2.</i> 100.000 koruunit tikillugit taarsigassarsisitsisoqarsinnaavoq. Taarsigassarsiaritinneqartut tamakkerlugit</p>
--	---

	<p>akilerneqarsimatillugit,  taarsigassarsitinneqarnissamik  qinnuteqaqqittoqarsinnaavoq.  Taarsigassarsiat ukiuni 15-ini  akilersugassanngorlugit amerlaqatigiinnik  akilersugassaallutik  taarsigassarsiissutigineqassapput.  Nationalbankip erniaritittagai 3%-pointimik  ilallugit taarsigassarsiissutit  ernalersorneqassapput. Taarsigassarsiat  ullormi tunniunneqarfiisa ulluanit erniaq  aalajangersarneqassaaq.</p> <p><i>Imm. 3.</i> Suliat suliarineqarsimaneranut  imaluunniit tunniussassat  tunniunneqarsimaneranut uppernarsaammik  takutitsinikkut taarsigassarsiat imaluunniit  tapiissutit sulisartumut pineqartumut  akilerneqassapput.</p> <p><i>Imm. 4.</i> Illunik sanaqataaffiusunik  pilersaarutaasumik aserfallatsaaliuinissamut,  nutarterinissamullu kommunalbestyrelsip  taarsigassarsisitsinissaanut imaluunniit  tapiissuteqarnissaanut Naalakkersuisut  malittarisassanik aalajangersaasinnaapput.”</p>
<p><b>§ 11.</b> § 7 malillugu kommunalbestyrelsimit  taarsigassarsiat qinnuteqartup  aningsaartuutit taarsigassarsiffiusinnaasut  kiisalu sanaartorfigissaanermut aamma  pisortat piumasaat malillugit  innaallagissamut, imermut kuuffinnullu  atassusernermut aningsaartuutit  tamarmiusut nammineq akiliutissaminik  nammineerluni aningsaalersuisimappat  tamatumunngalu uppernarsaammik  saqqummiussippat taamaallaat  taarsigassarsiarineqarsinnaapput.</p> <p><i>Imm. 2.</i> § 7 malillugu kommunalbestyrelsip  taarsigassarsisitsinissamut neriorsuutaanut  piumasaqaataavoq taarsigassarsinissamut  pisinnaatitaaffiusut aningsaartuutinit</p>	<p><b>7.</b> § 11 ima oqaasertalerneqassaaq:  ” <b>§ 11.</b> § 7 malillugu  kommunalbestyrelsimit taarsigassarsiat, tak.  § 8, § 7 malillugu taarsigassarsiatigut  aningsaalersorneqaratik  taarsigassarsiffiusinnaallutik aningsaartuutit  tamarmiusut taarsigassarsisup nammineerluni  aningsaalersorpagit, tak. § 8,  aningsaalersorsimaneranullu  uppernarsaammik takutitsineratigut aatsaat  taarsigassarsiissutigisinnaapput.</p> <p><i>Imm. 2.</i> § 7 malillugu kommunalbestyrelsip  taarsigassarsisitsinissamut siumut  neriorsuutaanut, tak § 8,  piumasaqaataasinnaavoq, § 7 malillugu  taarsigassarsiatigut aningsaalersorneqaratik  taarsigassarsiffiusinnaallutik aningsaartuutit</p>



<p>tamarmiusunit taarsigassarsisup nammineq akiliutai pillugit taarsigassarsisup akiliisimanermut qularnaveeqqusiinissaa.</p> <p><i>Imm. 3.</i> Naalakkersuisut pissutsit qinnuteqartumi immikkut pingaartinneqartussat pillugit maleruagassanik aalajangersaasinnaapput.</p>	<p>tamarmiusut aningaasalersorneqarnissaannut taarsigassarsisup kommunalbestyrelsimut aningaaserivimmi qularnaveeqqusiinissaa, tak. § 8.”</p>
<p><b>§ 12.</b> Taarsigassarsisup nammineq aningaasalersuinerminut taarsigassarsiarisinnaasai, kiisalu sanaartorfigissaanermut aamma pisortat piumasaat malillugu innaallagissamut, imermut kuuffinnullu atassusernermut aningaasartuutitut uppernarsarneqartunut taarsigassarsisup taarsigassarsiarisinnaasai allat illumi sanaqataaffiusumi qularnaveeqqusiinikkut isumannaarneqarsinnaapput.</p> <p><i>Imm. 2.</i> Kommunalbestyrelsimit taarsigassarsiat illumi sanaqataaffiusumi qularnaveeq-qusiisoqarneratigit isumannaarneqassapput.</p> <p>Kommunalbestyrelsimit taarsigassarsiat, taarsigassarsisup nammineq aningaasalersuineranut kiisalu sanaartorfigissaanermut aamma pisortat piumasaat malillugu innaallagissamut, imermut kuuffinnullu atassusernermut aningaasartuutitut uppernarsarneqartunut taarsigassarsisup taarsigassarsiarisinnaasaanut allanut taarsigassarsiat, illumi sanaqataaffiusumi isumannaarneqartut ataqqissavaat.</p> <p>Kommunalbestyrelsip taarsigassarsiarititai illumi illulioqataaffiusumi qaffatsinneqarlutik qularnaveeqqutaasinnaapput.</p>	<p><b>8.</b> § 12 ima oqaasertalerneqassaaq: ” <b>§ 12.</b> § 7 malillugu taarsigassarsiatigit aningaasalersorneqaratik taarsigassarsiffiusinnaallutik aningaasartuutit tamarmiusut aningaasalersorneqarnissaannut taarsigassarsisup taarsigassarsiarisinnaasai, tak. § 8, illu sanaqataaffiusoq qularnaveeqqusiullugu qulakkeerneqarsinnaapput.</p> <p><i>Imm. 2.</i> Kommunalbestyrelsimit taarsigassarsiat illumi sanaqataaffiusumi qularnaveeqqusiisoqarneratigit isumannaarneqassapput.</p> <p><i>Imm. 3.</i> § 7 malillugu taarsigassarsiatigit aningaasalersorneqaratik taarsigassarsiffiusinnaallutik aningaasartuutitut tamarmiusunut taarsigassarsisup aningaasalersuinissaanut, illu sanaqataaffiusoq qularnaveeqqusiullugu taarsigassarsiissutigineqarsimasut, kommunalbestyrelsimit taarsigassarsiat ataqqissavaat, tak. § 8.</p> <p><i>Imm. 4.</i> Kommunalbestyrelsip taarsigassarsiarititai illumi sanaqataaffiusumi qaffatsinneqarlutik qularnaveeqqutaasinnaapput.”</p>

<p><i>Imm. 4.</i> Illumut sanaqataaffiusumut piginnissinnaatitaaneq taarsigassarsisumut tunniunneqarsinnaanngippat, kommunalbestyrelsip taarsigassarsisup sanaartorfissagissaanermut aammalu imm. 3 naapertorlugu pisortat innaallagissamut, imermut kuuffeqarfimmullu atassusiinissamut piunasaqaataannut aningaasartuutit taarsissavai.</p>	<p><b>9. § 15, imm. 4</b> ima oqaasertalerneqassaaq: ” <i>Imm. 4.</i> Illumut sanaqataaffiusumut piginnittussaataaneq taarsigassarsitinneqartumut tunniunneqarsinnaanngippat, taarsigassarsisup nammineerluni akiliutigisai 25.000 koruuniusut, illumillu sanaqataaffiusumik sanaartornermi imaluunniit tigusinermi taarsigassarsiffiusinnaallutik aningaasartuutini tamarmiusuni taarsigassarsisup aningaasartuutigisimasai, § 7 malillugu taarsigassarsiatigut aningaasalersorneqanngitsut, kommunalbestyrelsip utertissavai, tak. § 8.”</p>
	<p><b>10. § 23-mi, imm. 1</b>-imi nr. 1-ip siorna normu 1-itut nutaatut ilanngunneqassaaq: ”1) Taarsigassarsiat erniaat akilersuutillu akilerneqanngippata, illuummilu qularnaveeqqusiussaqaarluni taarsigassarsinermi allagartaq malillugu ernianik akilersuutinillu akilersuisarneq pillugu malittarisassat naapertorlugit ernianut, akilersuutinullu akiitsut piffissarititaasup qaangiutinnginnerani taarsigassarsisup akilersimanngippagit, tak. lov for Grønland om pant (qularnaveeqqusiineq pillugu Kalaallit Nunaannut inatsit).”</p> <p><i>Taassumap kingorna nr. 1-8, 2-9-nngussapput.</i></p>
	<p><b>11. § 27-p</b> kingorna qulequttap <i>Taarsigassarsinissamut qinnuteqarneq</i>-rup ataani ilanngunneqassaaq: ” <b>§ 27 a.</b> Illumik sanaqataaffiusumik nutaamik sanaartornissamut taarsigassarsitinneqarnissamut kommunalbestyrelsi tamanut ammasumik qinnuteqaqqusissaaq. Tamanut ammasumik</p>

	<p>qinnuteqaqqusineq marsip aallaqqaataanut piffissalerlugu, ukiumut ataasiartumik januaarimi pisassaaq. Ilassutitut aningaasaliinermi, qinnuteqarnissamut naammaginartumik piffissaliilluni tamanut ammasumik nutaamik qinnuteqaqqusisoqassaaq.</p> <p><i>Imm. 2.</i> Qinnuteqaatit tiguneqartut suliarineqarnerini, tak. imm. 1, akuerisaallutik qinnuteqartut illutaarnissaminnut pisariaqartitsinerpaasut, inissaminnillu periarfissatut tunineqarnissaminnut periarfissaqanngitsut salliunneqassapput.</p> <p><i>Imm. 3.</i> Qinnuteqaatit tiguneqarsimasut suliarineqareerlutik aalajangiiffigineqarnerisa kingorna aningaasaliissutinik atunngitsuugaqassappat, tak. imm. 1, kingusinnerusukkut qinnuteqaatit tiguineri malillugit qinnuteqaatit suliarineqassapput.</p> <p><i>Imm. 4.</i> Qinnuteqartut illutaarnissaminnut pisariaqartitsinerisa, periarfissatullu inissiamik pilersornissaminnut periarfissaasa imm. 2 malillugu nalilersorneqarnissaanni kommunalbestyrelsip suut eqqarsaatigisassatut pingaartissinnaanerai, pingaartissagailu pillugit Naalakkersuisut aalajangersaasinnaapput.”</p>
<p><b>§ 32.</b> Missingersuummik ingerlatsinermi missingersuummik qinnuteqartumit akuerisassanngortitanik kommunalbestyrelsi saqqummiussissaaq. Matuma kingorna taarsigassarsisup nammineq akilersuinissaanut qularnaveeqqut apeqqutaatillugu taarsigassarsinissamut neriorsuummik kommunalbestyrelsi qinnuteqartumut nalunaaruteqassaaq.</p>	<p><b>12. § 32</b> ima oqaasertalerneqassaaq:  ” <b>§ 32.</b> Missiliummik, ingerlatsinermilu missingersuummik qinnuteqartumit akuerisassanngortitanik kommunalbestyrelsi saqqummiussissaaq. Matuma kingorna nammineq akiliutissat akilerneqarsimanerat, tak. § 10 b, imm. 2, aningaaserivimmit qularnaveeqquusissaasinnaasoq, tak. § 11, imm. 2 aamma akiliutaasinnaasut akilerneqarsimanerat, tak. § 25, apeqqutaatillugit taarsigassarsisitsinissamut siumut neriorsuummik kommunalbestyrelsi qinnuteqartumut nalunaaruteqassaaq.”</p>

	<p><b>13.</b> Kapitali 4-mi § 32-p kingorna ilanngunneqassaaq  ” § 32 a. Ukiumut naatsorsuusiordermi kommunalbestyrelsip paasissutissat ukua ilanngutissavai:</p> <ol style="list-style-type: none"> <li>1) Ukiumi naatsorsuusiorderfusumi taarsigassarsisitsinissamik siumut neriorsuutit amerlassusaat.</li> <li>2) Taarsigassarsisitsinissamik siumut neriorsuutit atuuttut amerlassusaat.</li> <li>3) Taarsigassarsisitsinissamik siumut neriorsuutit ukiumi naatsorsuusiorderfusumi naammassisimasut amerlassusaat.</li> <li>4) Ukiumi naatsorsuusiorderfusumi aningaasaliissutinik tamarmiusunik atuineq.</li> </ol> <p><i>Imm. 2.</i> Paasissutissat sumiiffinnut agguataarneqassapput.</p> <p><i>Imm. 3.</i> Paasissutissat ataatsikkut Naalakkersuisunut nassiunneqassapput.”</p>
<p><i>Imm. 2.</i> Suliap suliarineqarsimaneranut uppersaateqartumik toqqavissap sanaartornissaanut, illu suliarineqanngitsoq, innaallagissamik VVS-imillu ikkussuinerit, ilitersuisumik ikiorteqarneq pillugit taarsigassarsiat sanasumut pineqartumut akilerneqassapput.</p>	<p><b>14.</b> § 33, <i>imm. 2</i> ima oqaasertalerneqassaaq:  ” <i>Imm. 2.</i> Sanaartorfigissaanermut, toqqavissap pilersaarusiorderneranut sanaartorneranullu, illumut suliarineqanngitsumut aamma innaallagissamut, imermut, kiassarnermullu ikkussuinerimut kiisalu ilitersuisumit ikiorserneqarnermut taarsigassarsiissutit, suliap suliarineqarsimanerinut uppersaammik takutitsinikkut sulisartumut pineqartumut akilerneqassapput.”</p>

§ 2

Inatsisartut inatsisaat manna ulloq 1. Juni 2024 atuutilerpoq.

*Imm. 2.* Inatsisartut inatsisaata matumap atuutilernissaa sioqqullugu illunut sanaqataaffiusunut taarsigassarsiarititat, taarsigassarsisitsinissamillu siumut neriorsuutit piumasqaataat allanngortinnagit ingerlaqqiinnassapput.

*Imm. 3.* Inatsisartut inatsisaata atuutilernissaa sioqqullugu malittarisassat atuuttut naapertorlugit qinnuteqartut taarsigassarsitinneqarnissaminnik siumut neriorsorneqarsimasut, kommunalbestyrelsimut qinnuteqarnermikkut inatsisartut inatsisaanni matumani malittarisassat naapertorlugit taarsigassarsitinneqarnissaminnik nutaatut siumut neriorsorneqarsinnaapput.

*Imm. 4.* Taarsigassarsitinneqarnissamik siumut neriorsuummik nutaamik tunineqarnissamik qinnuteqaat kommunalbestyrelsip itigartissinnaavaa, tak. imm. 3, taarsigassarsitinneqarnissamik siumut neriorsuut tunngavigalugu inatsisitigut pituttorsimasumik aalajangersaasoqarsimappat imaluunniit nutaamik siumut neriorsuuteqarnissamut atatillugu aningaasartuuteqarnerunissamut aningaasaliissutitigut matussutissaqanngippat.